

619  
1953

F



# დროშა

საქართველოს  
საბჭოთავო მთავრობის

№ 7 ივლისი 1953

619/2

22







ქართული  
ბიბლიოთეკა



კვირა დღე რუსთავში. მეტალურგები ცურაობენ მდ. მტკვარში.

ფოტო ოთ. თურქუასი.



## პარტიისა და ხალხის ურთიერთობა

10 ივლისს გამოქვეყნდა საინფორმაციო ცნობა საბჭოთა კავშირის კომუნისტური პარტიის ცენტრალური კომიტეტის პლენუმის შესახებ.

საინფორმაციო ცნობაში ნათქვამია: „საბჭოთა კავშირის კომუნისტური პარტიის ცენტრალური კომიტეტის პლენუმმა, მოისმინა და განიხილა რა ცენტრალური კომიტეტის პრეზიდიუმის — ა. მ. მ. მალენკოვის მოხსენება ლ. პ. ბერიას დანაშაულებრივი ანტიპარტიული და ანტისახელმწიფოებრივი მოქმედების შესახებ, რომლის მიზანი იყო საბჭოთა სახელმწიფოს ძირის გამოთხრა უცხოეთის კაპიტალის ინტერესებისათვის და რომელიც გამოიხატა ვერაგული ცდებით დაეყენებინა სსრ კავშირის შინაგან საქმეთა სამინისტრო საბჭოთა კავშირის მთავრობასა და კომუნისტურ პარტიაზე მალა, მიიღო გადაწყვეტილება — გამოეყენებინა იქნას ლ. პ. ბერია საბჭოთა კავშირის კომუნისტური პარტიის ცენტრალური კომიტეტის შემადგენლობიდან და გაირიცხოს იგი საბჭოთა კავშირის კომუნისტური პარტიის რიგებიდან, როგორც კომუნისტური პარტიისა და საბჭოთა ხალხის მტერი“.

მთელმა საბჭოთა ხალხმა უდიდესი ერთსულოვნებით მოიწონა პარტიის ცენტრალური კომიტეტის პრეზიდიუმის მიერ დროულად მიღებული გადაწყვეტილება ზომები ბერიას დანაშაულებრივი მოქმედების სალიკვიდაციოდ, სსრ კავშირის უმაღლესი საბჭოს პრეზიდიუმის დადგენილება იმის შესახებ, რომ საქმე ბერიას დანაშაულებრივი მოქმედების შესახებ განსახილველად გადაეცეს სსრ კავშირის უმაღლეს სასამართლოს.

საერთაშორისო იმპერიალიზმის აგენტი, ხალხისა და პარტიის მტერი ბერია თავის ანტიპარტიულ და ანტისახელმწიფოებრივ მოქმედებაში მიზნად ისახავდა საბჭოთა სახელმწიფოს ძირის გამოთხრას უცხოეთის კაპიტალის ინტერესებისათვის.

დადგენილია, რომ ავანტიურისტი, ბურჟუაზიული გადაგვარებული ბერია აწყობდა გეგმებს, რომ ხელში ჩაეგდო ხელმძღვანელობა პარტიისა და ჩვენი ქვეყნისადმი, რათა დაეგზავნა ჩვენი კომუნისტური პარტია და პარტიის მიერ მრავალი წლის მანძილზე შემუშავებული პოლიტიკა შეეცვალა კაპიტულანტური პოლიტიკით, რომელსაც საბოლოო ანგარიშით კაპიტალიზმის რესტავრაცია მოჰყვებოდა. სხვადასხვა მოგონილი საბაბით ბერია ყოველნაირად აფერხებდა უმნიშვნელოვანესი გადაუდებელი საკითხების გადაჭრას სოფლის მეურნეობის დარგში. ამას იგი იმისათვის სჩადიოდა, რომ ძირი გამოეთხარა კოლმეურნეობისათვის და შეექმნა სიძნელეები ჩვენი ქვეყნის სურსათით მომარაგებაში.

ბერია ცდილობდა შუღლი დაეთესა სსრ კავშირის ხალხებს შორის, გაეაქტიურებინა ბურჟუაზიულ-ნაციონალისტური ელემენტები მოკავშირე რესპუბლიკებში, სხვადასხვა ვერაგული ხერხით ძირი გამოეთხარა მრავალრიანი სოციალისტური სახელმწიფოს საფუძველთა საფუძვლისათვის — სსრ კავშირის ხალხთა მეგობრობისათვის.

ჩვენი დიდი სამშობლოს მილიონობით ადამიანები გულისწყრომით გამოხედა პარტიისა და ხალხის უბოროტესი მტრის ბერიას დანაშაულებრივ მოქმედებას, მოუწოდებენ რევოლუციური სიფხიზლის გაძლიერებისაკენ.

მთელს საბჭოთა ქვეყანაში ჩატარდა პარტიული კომიტეტების პლენუმები პარტიულ აქტივთან ერთად, პარტიული ორგანიზაციების სხდომები, მშრომელთა კრებები, სადაც კომუნისტებმა და უპარტიოებმა — მუშებმა, კოლმეურნეებმა და საბჭოთა ინტელიგენციის წარმომადგენლებმა თავიანთი ხმა შეუერთეს პარტიისა და მთელი საბჭოთა ხალხის ხმას.

განსაკუთრებული ერთსულოვნებისა და საბჭოთა კავშირის კომუნისტური პარტიის ცენტრალური კომიტეტის გარშემო დარაზმულობის ვითარებაში ჩაიარა საქართველოს კომუნისტური პარტიის ცენტრალური კომიტეტისა და თბილისის საქალაქო კომიტეტის გაერთიანებულმა პლენუმმა პარტიულ აქტივთან ერთად.

გაერთიანებული პლენუმი, რომელმაც ერთსულოვნად მიიღო განუხრელი ხელმძღვანელობისა და შესრულებისათვის საბჭოთა კავშირის კომუნისტური პარტიის ცენტრალური კომიტეტის პლენუმის გადაწყვეტილება, გადაიქცა საქართველოს პარტიული ორგანიზაციის ერთიანობის, საბჭოთა კავშირის კომუნისტური პარტიის ცენტრალური კომიტეტის გარშემო მისი მჭიდრო დარაზმულობის მძლავრ დემონსტრაციად.

საქართველოს საწარმოებსა, კოლმეურნეობებსა და დაწესებულებებში შემდგარ კრებებზე გამოსული მუშები, კოლმეურნეები და მშრომელი ინტელიგენციის წარმომადგენლები გმობდნენ რა პარტიისა და ხალხის მტრის ბერიას ანტიპარტიულ და ანტისახელმწიფოებრივ საქმიანობას, ფიცსა სდებდნენ საკავშირო კომუნისტური პარტიის ცენტრალური კომიტეტისადმი თავიანთ ურყევ ერთგულებაზე. სიტყვას იძლეოდნენ კიდევ უფრო გამარჯვლებინათ ჩვენი რესპუბლიკის მიღწევები დიად კომუნისტურ მშენებლობაში.

მკაცრად, მრისხანედ ქდერდა რუსთავის მეტალურგთა ხმა.

— ჩვენ, ქართველი მეტალურგები, — განაცხადა ცნობილმა ჩქაროსანმა მეფოლადემ შ. კუხალიაშვილმა, — გავეცანით საბჭოთა კავშირის კომუნისტური პარტიის ცენტრალური კომიტეტის პლენუმის გადაწყვეტილებას ბერიას დანაშაულებრივი ანტიპარტიული და ანტისახელმწიფოებრივი მოქმედების შესახებ. გარეწარ ბერიას მიზანი იყო საბჭოთა სახელმწიფოსათვის ძირის გამოთხრა უცხოეთის კაპიტალის ინტერესებისათვის. იგი ცდილობდა დაეყენებინა სსრ კავშირის შინაგან საქმეთა სამინისტრო საბჭოთა კავშირის მთავრობასა და კომუნისტურ პარტიაზე მალა. გავეცანით ამ დოკუმენტებს და ღრმად ვართ აღშფოთებულნი ამ ბურჟუაზიული გადაგვარებულის მუხანათური საქმიანობით. მილიონობით მშრომელების მძლავრ ხმას, ჩვენც, ქართველი მეტალურგები ვუერთებთ ჩვენს ხმას. ჩვენ მხურვალედ ვიწონებთ საკ. კ. პ. ცენტრალური კომიტეტის პრეზიდიუმის მიერ მიღებულ გადაწყვეტილებას, რომლებმაც დროულად აღაგმეს საერთაშორისო იმპერიალიზმის აგენტი ბერია.

მუშების მსგავსად ქართველი კოლმეურნეებიც სასტიკად გმობენ ავანტიურისტ ბერიას საზიზარ საქმიანობას და სიტყვას იძლევიან, რომ საკოლმეურნეო დოვლათის შემდგომი გაზრდით, საკ. კ. პ. ცენტრალური კომიტეტისადმი მტკიცე ერთგულებით ჩაშლიან მტრის ყოველგვარ ცდას შეაფერხონ საკოლმეურნეო სოფლის ძლევაგამოსილი სვლა გამარჯვებიდან გამარჯვებისაკენ.

მასწავლებლები, ექიმები, აგრონომები, მეცნიერების, ხელოვნებისა და ლიტერატურის მუშაკები აცხადებენ თავიანთ მზადყოფნას პარტიის მეთაურობით შემდგომშიც აქტიურად იბრძოლონ კომუნისტური მშენებლობის დიადი პროგრამის განხორციელებისათვის.

საკავშირო კ. პ. ცენტრალური კომიტეტის პლენუმისა და სსრ კავშირის უმაღლესი საბჭოს პრეზიდიუმის დადგენილებების ერთსულოვანი და მხურვალე მოწონება ერთხელ კიდევ ადასტურებს ხალხის ურყევ ერთიანობას დიად კომუნისტურ პარტიასთან, რომლის ბრძნულ საქმიანობასაც საბჭოთა ხალხი უმაღლესი თავის ყველა გამარჯვებას, საბჭოთა ქვეყნის განუხრელ და ძლევაგამოსილ სვლას კომუნისტური ბრწყინვალე მწვერვალებისაკენ.

5396





## მია მარგველაშვილი

საბჭოთა ხალხი აღნიშნავს წენი ეპოქის უნიჭიერესი პოეტის ვლადიმერ ვლადიმერის-მე მაიაკოვსკის დაბადების სამოცი წლის თავს. მკითხველები კვლავ სიყვარულით გადაიკითხავენ ნაცნობსა და საყვარელ სტრიქონებს, ლიტერატურათმცოდნეები და კრიტიკოსები ახალი ენერგიით ცდილობენ უფრო ღრმად და სწორად განსნან საბჭოთა ლიტერატურის დიდი კლასიკოსის შემოქმედება, მხატვრული კითხვის ოსტატებს კეთილშობილი მიზანი დაუსახავთ — ათეულ და ასეულ ათასობით მკითხველს მიაწვდინონ პოეტის სიტყვა, მხატვრები და მოქანდაკეები ფუნჯითა და საჭრეთელით ცდილობენ შექმნან სახე შესანიშნავი პოეტისა, ადამიანისა და მოქალაქისა, რომელმაც მთელი თავისი ძლიერი ნიჭი, უდიდესი ადამიანურობა და დაუსრულებელი მოქალაქეობრივი პათოსი უდიდეს და ყოვლისშემცველ საქმეს — ახალი, კომუნისტური საზოგადოების შენების საქმეს მოახმარა.

მაიაკოვსკის საიუბილეო დღეებში ბევრ რამეზე შეიძლება ლაპარაკი. ყოველი მისი ლექსი, მისი სიცოცხლის ყოველი დღე — დიდი და წარმატებული თემაა. მაგრამ პირველ რიგში გსურს ილაპარაკო მთავარზე, იმაზე, რამაც განსაზღვრა მაიაკოვსკის შემოქმედების მთელი სიახლე, გსურს ილაპარაკო შემოქმედის სახეებით ახალ ტიპზე, მწერლის ახალ ტიპზე, რომლის ბრწყინვალე და საუკეთესო წარმომადგენელი თვით მაიაკოვსკი იყო. მწერალი-კომუნისტი, მწერალი „ხალხის წინამძღოლი და იმავე დროს მსახური ხალხისა“, მწერალი, რომელიც მთელს თავის მოღვაწეობაში ხელმძღვანელობს შემოქმედების ხალხურობისა და კომუნისტური პარტიულობის პრინციპით — ასეთია მაიაკოვსკი, ასეთია მისი მოქალაქეობრივი და ადამიანური თვისებები, რაიც მისი პოეტური სიდიადის საწინდარი გახდა. კომუნისტური პარტიულობა, როგორც ჩვენი დროის მხატვრის თავისუფალი შემოქმედების გამოვლინების მაღალი და უკეთილშობილესი ფორმა — აი რა განსაზღვრავდა საბჭოთა ეპოქის უნიჭიერესი პოეტის სულიერ, მორალურ, მოქალაქეობრივ და ადამიანურ სახეს. მაიაკოვსკი თვითონვე ბევრჯერ შეხებია ამ თემას თავის ლექსებსა და პოემებში, სტატიებში და სიტყვიერ გამოსვლებში. ჩვენი მიზანია — მოვავსოთ მკითხველს, თუ როგორ სვამდა და სწევებდა მაიაკოვსკი ლიტერატურის პარტიულობის, როგორც ხელოვნების თავისუფლების გამოვლინების უმაღლესი ფორმის საკითხს.

...ოქტომბრის წინა თვეები... უფრო მოგვიანებით მაიაკოვსკი იკონებს ამ დროს: „ბევრმა მხატვარმა პირველად გაიგო, რომ ზეთის საღებავებსა და სურათების ფასებს გარდა, არსებობს კიდევ რაღაც პოლიტიკური საკითხები“. და აი, გამაფრებული პოლიტიკური ბრძოლის დროს, რევოლუციის მომზადების პერიოდში, ეს მხატვრები და

მათი ლიტერატურული „ძმები“, თავს ისე იჭერდნენ, თითქოს და არაფერი მომხდარიყოს, თითქოს რევოლუციის დუდილს არაფერი ეკავი არ ჰქონდეს ხელოვნებასთან. ხელოვნების მუშაკთა კრებებზე გაისმოდა ტრაგიკომიკური შეძახილები: „მდიდარი ქანდაკებებით შემკულ ქალაქებში უნდა აიკრძალოს რევოლუცია... იბრძოლოს სადმე ქალაქის ფარგლებს გარეთ, ხოლო ქალაქში გამარჯვებულები შემოვიდნენ!“ იმ კრებას, სადაც ეს შეძახილები გაისმოდა, მაიაკოვსკიც დაესწრო და ამრიგად, მას საშუალება მიეცა ენახა, როგორ მალე აახადეს ნიღაბი „წმიდა ხელოვნების“ ამ „მიამიტმა“ ქურუმებმა.

გორკიმ, მაიაკოვსკიმ და სხვა ჭეშმარიტად დემოკრატიულმა მწერლებმა მოჩვენებით თავისუფალს, სინამდვილეში კი ბურჟუაზიასთან დაკავშირებულ ლიტერატურას დაუპირისპირეს

ნამდვილად თავისუფალი, პროლეტარიატთან აშკარად დაკავშირებული ლიტერატურა. რუსეთის რევოლუციის დიდი ზეალის — ლენინის კვალდაკვალ მათ წამოაყენეს ლიტერატურის პარტიულობის, როგორც შემოქმედების თავისუფლების უმაღლესი გამოვლინების, ლოზუნგი.

მაგრამ უჭერდა რა მხარს ლიტერატურის პარტიულობის პრინციპს, მაიაკოვსკი, ამავე დროს, შორს იდგა ამ პრინციპის ვულგარული გაგებისაგან. მას მშვენიერად ესმოდა, რომ საქმე ფორმალურად პარტიის წევრობაში კი არ არის, რომ მთავარია მწერლის მსოფლმხედველობა, პოლიტიკური და ესთეტიკური მიზანდასახულობა, და, ბოლოს, მისი შემოქმედებითი მეთოდი. ჯერ კიდევ ოქტომბრის რევოლუციამდე, მაინამდე, ვიდრე მრავალ სადავო პრობლემებს თვით ცხოვრება გადაწყვეტდა, მაიაკოვსკის ამ საკითხში ნა-

თელი პრინციპული პოზიცია ემყარა, 1917 წლის მაისის მიწურულში, როცა პროლეტარიატთან ახლო მდგომი მწერლების კრებაზე დაისვა საკითხი მწერლის პარტიის წევრობიდან გამომდინარე „ხელოვნების კლასობრივი არსის“ დადგენის შესახებ, მაიაკოვსკიმ სიტყვა იღო და თავისი შეხედულება მკაფიოდ ჩამოაყალიბა: „გაკვირვებული ვარ, როცა აქ გაიძახიან ფორმალური პარტიულობის შესახებ, და ანგარიშსაც არ უწევენ ავტორის ნიჭსა და მსოფლმხედველობას, ეს კი ყველაზე კარგი გარანტია იქნებოდა იმისა, გამოადგება თუ არა ნაწარმოები პროლეტარიატს“. როგორც ცნობილია, მაიაკოვსკი თვითონვე იყო იმის შესანიშნავი მაგალითი, რომ მთავარია სწორედ მწერლის მსოფლმხედველობა და არა მისი ფორმალური პარტიულობა. მაიაკოვსკის უღრმესი კავშირი რევოლუციასთან წარმოადგენდა იდეურსა და მორალურ კავშირს. არა ერთხელ გამოუხატავს ეს აზრი მაიაკოვსკის: „მე დაშორებული არა ვარ პარტიას და თავს ვაღიქვამ ვთვლი ბოლშევიკური პარტიის ყველა დადგენილება შევასრულო, მიუხედავად იმისა, რომ პარტიულ ბილეთს არ ვატარებ“. 1927 წელს პოლონურ გაზეთ „პოლსკა ვოლნოსტ“-ში გამოქვეყნებული იყო მაიაკოვსკის ინტერვიუ, რომელიც ამ საკითხებს შეეხება:

— ყველაფერი, რასაც ახლა ქმნიან რუსეთის მწერლები — ეს არის მოქმედების, მშრომელი ადამიანის უფლებებისათვის ბრძოლის პოეზია. მე თავისუფალი მწერალი ვარ. არავისაგან არა ვარ დამოკიდებული მატერიალურად; მორალურად კი დაკავშირებული ვარ იმ რევოლუციურ მოძრაობასთან, რომელსაც რუსეთი სოციალური თანასწორობის საწყისებზე გადაჰყავს... მაიაკოვსკის მოსაზრებებს ხელოვნების დანიშნულებაზე და „მუშათა მწყობრში პოეტის ადგილზე“ წითელი ხაზით გასდევს საოცარი ფსიქოლოგიური სიღრმით დაკავებული ანალიზი მწერლის უფლებათა და მოვალეობათა პრობლემისა. ერთ-ერთ ასეთ სიტყვაში მოცემულია უაღრესად ლაკონური და ამავე დროს ამომწურავი ფორმულირება.

„მე მი ნ და, რომ მაგალდებულედნენ! ეს არის ყველაზე მწველი და მნიშვნელოვანი რამ ადამიანისათვის“. ეს აზრი, რა თქმა უნდა, ისე არ უნდა გავიგოთ, თითქოს პოეტი რაღაც უშუალო ბრძანებას ელოდეს; „მე მი ნ და, რომ მაგალდებულედნენ! — ეს არის პოეტის უფლებათა დეკლარაცია, ეს არის პოეტის სწრაფვა მაქსიმალური ეფექტურობით წარმართოს თავისი ხელოვნება ხალხისთვის სასარგებლო მიმართულებით, ეს არის საკუთარი თავის მიმართ მოთხოვნელობა, თვითდისციპლინა, ამის შიში, რომ ფუჭად, უსაქმურად არ დაიყვანოს „სიტყვის ფოლია“. მაიაკოვსკისთვის შემოქმედების თავისუფლება ნიშნავდა, უპირველეს ყოვლისა:

### პლ. მაიაკოვსკი

## ქალის პოეზიით

გრგვინავს და გრგვინავს  
დაცდაცი თმის,  
მითოსთავს რკინა —  
რომ სისსლშა აყროს,  
ცოყლის მსრიდან —  
სყდრის მონის  
ეთლადის სიშვებს  
რომ დაეგვრთს;  
შე გვიტყვილით:  
— „მითსართი რისთვის,  
ზანზარებს მიწა  
გაბარცელი,  
მქალუ და მშვირთ?“  
— კაცობრიობა  
ზანათშ სისსლში,  
მსლოლდ-ღა მისთვის,  
რომ გასიქდეს  
ვიღაც ბლირთი —  
ალზანალით მიწით!  
გამორთცეშა არ სცილდუშა  
მწელ ურდოს კაცთა,  
ალზათ სავყართ  
ასკალ დატყვიშს  
ისეგ იგვიშს, —  
მსლოლდ იმისთვის, —

მოსლოლდის გასვლა —  
რესაცცილოდ სურთ  
სამყდრთ გვიშს.  
ნენს რაუბცვარენ  
მრავალ მსარეს  
უნდა ვიციქრთ —  
სოლს ამოსდინ  
გადათულავენ, —  
მსლოლდ იმიცთმ,  
რომ ვიღაც ითსთვს —  
მესობტცამია  
ცყდციმნილი ჰყავდეს.  
ვისი სსყალით  
ცყვიენშ თულავს  
ჩიქმა რესში?  
ანდა, რა არის  
თმის ცის ცყვი  
თავისუფლავა?  
აღსეცი რაგრთლთ, —  
სსვისთვის მდგართ  
სისსლის გუბში  
და მცარვალს რთსართ;  
— რად გვამრბოლუშ,  
არ გაცივს რუფლავა!..

თარგმანი კ. ბ-ისა



პოეტის უფლებას, მიაჩნდეს თავისი შემოქმედება საზოგადოებრივი პროცესის ერთ-ერთ მნიშვნელოვან რგოლად, სოციალიზმისათვის ბრძოლის ერთ-ერთ მთავარ უბნად.

პოეტის შემოქმედებითა პრაქტიკამ დაადასტურა მისი დეკლარაციის გულწრფელობა. აი, თუნდაც, ერთი მაგალითი, თუ როგორ იღებდა მაიაკოვსკი აუცილებელ ვალდებულებას. ჩვენ მკითხველს „კომსოპოლსკაია პრავდას“ რედაქციის მიერ მოწოდებულ საღამოზე მაიაკოვსკის გამოსვლის ანგარიშს:

„რედაქტორმა საღამო გახსნა და განაცხადა, რომ საზღვარგარეთ გამგზავრების წინ მაიაკოვსკის სურს თავის მკითხველებთან საუბარი იმის შესახებ, თუ რა და როგორ უნდა დასწეროს მან საზღვარგარეთის შესახებ, სურს მიიღოს დავალება, „მივლინება“... — არა ისეთი მივლინება, რომლის მიხედვითაც სათანადო უწყება პასპორტი იძლევა, არამედ სიტყვიერი მანდატი, თავისი აუდიტორიის „დავლება“... შემდეგ, სიტყვიერად გამოსული კომპაგშირელები მაიაკოვსკის ერთსულოვნად აძლევენ „თავიანთ დასტურს ამ მივლინებაზე“... მაიაკოვსკი ოდესღაც წერდა: „მინდა რომ წლიური დავალების მოცემისას კამათის დროს ოფლში იწურებოდეს „გოსპლანი“ — კომკავშირულმა აუდიტორიამ ცხარე „კამათის ვითარებაში“ მისცა დავალება მაიაკოვსკის“.

ზევრი ასეთი მაგალითის მოტანა შეიძლება. ასეთი ნდობის გარეშე, პასუხსავე მივლინების გარეშე, მკითხველთან და საზოგადოებრივ ორგანიზაციებთან მუდმივი კავშირის გარეშე, მაიაკოვსკის ვერც კი წარმოედგინა თავისი შემოქმედება. ამასთან, დამახასიათებელია, რომ უმეტეს შემთხვევაში იგი წინ უსწრებდა საზოგადოებრივ დავალებას. განათლების სახალხო კომისიის ლუნაჩარსკის, ან გავითვალისწინებთ რედაქტორების თხოვნაზე იგი ხშირად უპასუხებდა ხოლმე: „ეს უკვე გაკეთებულია!“ ეს ერთხელ კიდევ დასტურებს მაიაკოვსკის პოეტური მუშაობის ღრმა ორგანიზულობას. ამავე დროს, მაიაკოვსკი მუდამ აფრთხილებდა პოეტებს, რომ საჭირობოროტო თემები, ლექსის ოპერატიულობა — ცოვი, გულგრილი ხელისნობით არ შეეცვალათ. სწორედ აქედან გამომდინარეობს მაიაკოვსკის კატეგორიული მოთხოვნა, რომელიც მან რევოლუციის პირველივე თვეებში წაუყენა ლიტერატორებს: „აბა წარმოადგინეთ თქვენი მანდატები! ვინ წარმოგზავნათ — პროლეტარული რევოლუციისათვის მფეთქებელი ვულკანი, თუ ახალი პატრონისაგან შეკვეთების მიღების წყურვილი?“ ჩვენ უკვე ვიცით, რომ სიტყვა „მანდატს“ პოეტი მეტაფორულად ხმარობს.

მაიაკოვსკი არ უარყოფდა, რომ ყოველ მწერალს გააჩნია თავისი, მახლობელი თემები, მაგრამ იგი ამტკიცებდა, რომ ამავე დროს მწერლის მოვალეობაა შემოქმედებითად დაუახლოვდეს რაც შეიძლება მეტწილად მნიშვნელოვან მოვლენას. ამისთვის კი, ამზობდა მაიაკოვსკი, „პოეტი საქმეების და მოვლენების ცენტრში უნდა იმყოფებოდეს“, უნდა იყოს „მოწინავე თავისი კლასისა; თავის კლასთან ერთად აწარმოოს ბრძოლა ყველა ფრონტზე“. მაიაკოვსკი მრისხანედ ესხმოდა თავს იმათ, ვინც ცდილობდა მისი მოღვაწეობა „წმინდა პოეტური“ ამოცანებით შემოეფარებინა. მგზნებარე პოლემიკის დროს იგი უფრო ადვილად შეელოდა თავის პოეტობას, ხოლო მოქალაქეობრივი მოვალეობის ერთ ნამცეცხას კი ვერ დასთმობდა: „ამბობენ, მაიაკოვსკი პოეტი და თავის პოეტურ სკამზე დაეტიოსო... ფენებზე მკიდა ჩემი პოეტობა; მე პოეტი კი არა ვარ, არამედ, უპირველეს ყოვლისა, ჩემი კალმით ვემსახურები, დიან ვემსახურები დღევანდელ ვაჟს, სინამდვილეს და მის გამტარებელს — საბჭოთა მთავრობასა და პარტიას. მე მინდა ჩემი სიტყვა თანამედროვე იდეების გამტარებელი იყოს“.

საინტერესო იქნება შევადაროთ მა-

იაკოვსკის პოზიცია მისი თანამედროვეის, ბოპემით მოწამლული პოეტის, სუსტსა და მერყევე ესენინის განწყობილებებს. აი, ესენინისთვის დამახასიათებელი სტრიქონები: „მთელს სულს შევწირავ მაისს და ოქტომბერს, მაგრამ სახუკვარ ჩანგს მათ არ მივცემ!“ მაიაკოვსკისთვის უცხოა ასეთი გარება. მის „ჩანგს“ მხოლოდ მაშინ შეეძლო „მთელის ხმით“ ექლერა, თუ მისი გულიც „პროლეტარულ რევოლუციასთან ერთად ძებნდა“.

იყო ხალხის წინამძღოლი, ადამიანის სულის ინიცირი, სარდალი კაცობრიობის სულიერი ძალებისა — განა ეს უმაღლესი ბედნიერება არ არის დიდი, პატიოსანი, დემოკრატიული მწერლისათვის? და განა ეს მისი თავისუფლების უმაღლესი გამოვლინება არ არის?

მაიაკოვსკი კარგად სარგებლობდა ამ თავისუფლებით. 150 მილიონიანი ხალხის მჭექავე ცხოვრებაში არ დარჩენილა არც ერთი უბანი, რომელიც მის მახვილ პოეტურ თვალს არ განეპყრებოდა. მან შემოიარა ათეულობით ქვეყანა, შემოიარა მთელი კავშირი, იყო მრავალ ქალაქში; იგი ამაყობდა ყოველივე ახალით, ჯანსაღითა და კარგით, რაც საბჭოების ახალგაზრდა რესპუბლიკაში იბადებოდა, ამართანებდა ძველის გადანაშთებს, გაბედულად მიუთითებდა იმაზე, რაც ახალის ზრდას უშლიდა ხელს.

„კარგია!“ — ამაყად მიმართავდა იგი თავის ხალხს, თავის ქვეყანას (ეს სიტყვა მას უყვარდა, ხშირად იმეორებდა, თავისი პოემის სათაურადაც აირჩია). „ცუდია!“ — შუბლს შეიკრავდა ხოლმე იგი, როცა სულიერ და ეკონომიურ პროგრესისათვის ხელისშემშლელ ცალკეულ მოვლენას შეინახავდა (პოეტს ჰქონდა ჩაფიქრებული პოემა ასეთი სახელწოდებით — „ცუდია!“). მაგრამ „ცუდის“ ხიფვებს არასოდეს დაუბრმავებია მისთვის თვალები, ხელი არ შეუშლია მშობლიური ხალხის უდიდესი წარმატებებით გაეხარა. ამ წარმატებებში ხომ მასაც ჰქონდა წვლილი. მას უფლება ჰქონდა ეამაყნა: „მე მიხარია, ჩემი შრომაც ერთგის ჩემი რესპუბლიკის შრომას!“... მას გაკრიტიკების უფლებაც ჰქონდა. მაგრამ, ამავე დროს, ლიტერატორებს აფრთხილებდა:

„ჩვენ უნდა შეგვეძლოს კარგად შეუფარდოთ კრიტიკის უფლება იმ ენთუზიაზმს და პათოსს, რასაც ჩვენ სოციალიზმის მშენებლობაში ვაქსოვთ და თუ ეს არა, ჩვენ ვერ მივიღებთ კრიტიკის უფლებას!“ ენთუზიაზმი და პათოსი, რომელიც მაიაკოვსკიმ სოციალიზმის საქმეს მიუძღვნა, ახლაც შთაგონების წყაროა საბჭოთა ხალხისათვის. და განა მართო საბჭოთა ხალხისათვის?

იმ მტრული ელემენტების საპასუხოდ, რომლებიც ჩვენს ლიტერატურას „შაბლონურს“ უწოდებდნენ, მაიაკოვსკი წერდა: „საბჭოთა ლიტერატურა მხოლოდ ერთი უბანია თავისუფლებისათვის მთელი მსოფლიოს ბრძოლის უზარმაზარ ფრონტზე; ჩვენი სიტყვა საზღვარს სცილდება და მაშინ იგი... შაბლონური „აგიტა“ კი არ არის, არამედ თავისუფალი სიტყვის სასწაულია, რომელიც აყალიბებს, ან უფრო სწორად, ამჭიდროებს რევოლუციური რაზმების რიგებს მომავალი ბრძოლებისათვის“.

სწორედ თავისუფალი სიტყვის ასეთ სასწაულად წარმოგვიდგება მაიაკოვსკის ძლიერი, მგზნებარე, შთაგონებული პოეზია.



სახლი, სადაც დაიბადა ვლ. მაიაკოვსკი.



ვლ. მაიაკოვსკის აკვანი.



მაიაკოვსკის სახლ-მუზეუმის საერთო ხედი.





რუსთავის სტადიონი. — საქართველოს პირველობაზე ერთმანეთს ეჯიბრება რუსთავის „მშენებელი“ და მარნეულის ნაკრები გუნდი.

# კვირა დღე რუსთავში

საინტერესოდ და შინაარსიანად ატარებენ კვირა დღეს ქართველ მეტალურგთა ქალაქის — რუსთავის მშრომელები.

მტკვრის პირას გაშენებულ პარკს ასწლოვანი ხეების ჩრდილით დაფარული უზარმაზარი ტერიტორია უჭირავს. პარკის ნახევარი უკვე კეთილმოწყობილია: გაშენებულია ხეივნები, დადგმულია სკამები, აგებულია კიოსკები წყლებისა და ნაყინისათვის, გამოყოფილია სასპორტო მოედნები.

ეს ადგილი რუსთაველ მეტალურგთა საყვარელი ადგილია. პარკი ყოველდღე სავსეა ხალხით. კვირაობით ყველა აქეთვე ისწრაფვის, განსაკუთრებით ახალგაზრდობა.

აგერ ხის ჩრდილში შეკრებილან მარტენის საამქროს ახალგაზრდა მუშეები. მათ არა მარტო ასაკი აერთიანებთ, არამედ ჩვენი ქვეყნისადმი გულწრფელი სიყვარული. ჯგუფ-ჯგუფად შეგროვებული ახალგაზრდები ბურთის თამაშით ერთობიან.

პარკში მტკვრის ტოტია გადმოვადებული. აქ ცურ-

ვით და ბანაობით იქცევენ თავს რუსთაველები. მტკვრის ამ ტოტზე აგებული პატარა ხიდიდან წყალში ხტებიან მოცურავეები.

აქვე ახლოა სტადიონიც. ყოველ კვირას აქ იმართება როგორც ადგილობრივი, ისე საქალაქთაშორისო შეჯიბრებები ფეხბურთში, მძლეოსნობაში.

ათიათასამდე მაყურებელს იტევს სტადიონი. იგი ყოველთვის სავსეა მაყურებლებით.

ამიერკავკასიის თბილისის განყოფილების ტექნიკური განყოფილების უფროსი ინჟინერ-მაიორი ვეჯევი ჩოგოვაძე ცოლშვილთან ერთად ავტობუსით მიემგზავრება რუსთავში.



ბით. რუსთავის ახალგაზრდა მოქალაქეებს განსაკუთრებით ფეხბურთი იზიდავს. მათ რამდენიმე გუნდი ჰყავთ. ორი მათგანი — „მეტალურგი“ და „მშენებელი“ რესპუბლიკურ შეჯიბრებაში ლეზულობს მონაწილეობას.

რუსთავის პარკში შეხვედებით ჯგუფ-ჯგუფად მოსიერნე ახალგაზრდებს. ესენი მეტალურგთა ქალაქის სანახავად ჩამოსულან საქართველოს სხვადასხვა კუთხიდან. სტუმრებს უკვე დაუთვალეირებიათ ქარხანა და ახლა კმაყოფილებით ისვენებენ პარკში.

აგერ სიღნაღის სამედიცინო დების ტექნიკუმის მოსწავლეები ჩამოსულან რუსთავის სანახავად. მათ რუსთაველი ახალგაზრდები დაჰყვებიან და თავიანთ საამაყო ქალაქს აცნობენ.


აქვე არიან ცეკავშირის კოოპერატიული ტექნიკუმის მოსწავლეები. ისინი ადრეც ყოფილან რუსთავის დასათვალეირებლად. ახლა ერთხელ კიდევ სწვევიან რუსთავს და მის ახალმშენებლობებს ეცნობიან.

ასეთი ინტერესით მოე-





რუსთავის ახალგაზრდა მაცურებლები ალტაცებულნი არიან თავიანთი ფეხბურთელების თამაშით.



მარტენის საამქროს ახალგაზრდა მუსიკელები ბურთის თამაშით ერთობიან პარკის ხეივანში.

შურებიან რუსთავისაკენ ჩვენი რესპუბლიკის ყველა კუთხიდან. მარტო თბილისის ლენინის სახელობის მოედნიდან ყოველ ნახევრ საათში გადის კომფორტული ავტობუსები.

კვირა დღეს არა მარტო რუსთავის მშრომელი მოსახლეობა ისვენებს ჯანსაღად და შინაარსიანად მშობლიურ ქალაქში, არამედ თბილისისა და საქართველოს სხვა ქალაქებიდან და სოფლებიდან ჩამოსული მშრომელებიც. განსაკუთრებით მრავალ თბილისელს ნახავს აქ კაცი. კვირა დღეს მოეშურებიან ექსკურსიები წარმოება-დაწესებულებებიდან, სასწავლებლებიდან.

არა მარტო ორგანიზებული ჯგუფები მოდიან რუსთავის სანახავად კვირა დღეს. მოდიან ცალკეული მოქალაქეები თავიანთი ოჯახებით. ყოველ თბილისელს აინტერესებს თავის თვალთ ნახოს ქართული მეტალურგიის ახალი კერა, სოციალისტური ინდუსტრიის საამაყო გიგანტი.

თბილისელები ათვალიერებენ ქალაქს, მშენებლობებს, გიგანტურ საამქროებს და შემდეგ რუსთაველებთან ერთად სადამომდე ისვენებენ პარკის ხეივანში.

ტექსტი ნ. ნასიძისა  
ფოტო ო.თ. თურაძისა




ექსკურსიაზე ჩამოსული სიღნაღის სამედიცინო დეიას სკოლის მოსწავლეები რუსთავში.






ეროვნული  
ბიზლიროთა

# ჩემი ხრახუნები



წიფლის ხეების გადაზიდვა ილტოს სატყეო უბნიდან. ხეები მიაქვთ ვიწრო რკინიგზის ლიანდაგით ახმეტის ხეტყის ქარხანაში.



250 კვადრატული კილომეტრის ფართობზე, თიანეთისა და კაკასიის მთაგრებილების განშტოებებზე შეფენილია ახმეტის ტყე-აქ მრავლად მოიპოვება ძვირფასი ჯიშის ხეები: წიფელა, კაკალი, თელა, ნეკერჩხალი და წითელი ხე.

წიფლის ხეების სიმაღლე 30 მეტრს აღწევს. მრავალი მათგანი 200-250 წლისაა. ამ გიგანტურ ხეთა შტოების ქვეშ საგრძნობლად გრილა და სშირად ნესტიც არის.

ამ ტყეს თავისი ცხოვრება აქვს, თავისი „მოსახლეობა“ ჰყავს. მალლა მთებში შეგხვდებით ირემი, ჯიხვი, შველი. შამხნარში დახეტილოზენ გარეული ღორები, დათვები, მგლები. ახლო-მახლო მთებიდან მოსჩქეფს ნაკადულები, რომლებიც შემდეგ თავს იყრიან და ერთად მოედინებიან — ეს მათი მდინარე ილტოა, რომელიც განთქმულია კალმახებით.

ამ რაიონის მთავარი სიმდიდრე ეს გაუფალი ტყეა, რომლის სამრეწველო დამუშავებას აწარმოებს ახმეტის ხეტყის საწარმოო მეურნეობა. წლიურად რამდენიმე ათასი კუბმეტრი მერქანი მზად-

ილტოს სატყეო უბანზე დამზადებული ხეები მიაქვთ უბნის ზემო საწოლთან, რომელიც იმყოფება დასახლებული პუნქტის ჯაბურას ტერიტორიაზე. აქ ეს ხეები იტვირთება პლატფორმებზე და იგზავნება ახმეტის ხეტყის დამხარისხებელ საწოლში.

ფოტოზე — ხეების პლატფორმაზე დატვირთვა ავტოკრანის საშუალებით.



დება აქ უმთავრესად წიფელისა და ნაწილობრივ თელასაგან.


აქაურ მაღალი ხარისხის მერქანს იყენებენ საავიჯო მრეწველობაში, სასოფლო-სამეურნეო მანქანათმშენებლობაში, ფანერისა და პარკეტის დამზადებისათვის. ამიტომ ახმეტის მერქნის ძირითადი მომხმარებლები არიან მარელისის ავეჯის ფაბრიკა, თბილისის საწარმოები: კუბიშვილის სახ. ქარხანა, ავეჯის ფაბრიკა და ფანერის ქარხანა; წიფელის ნაჭრები დიდი რაოდენობით ეგზავნება როსტოვის სასოფლო-სამეურნეო მანქანების ქარხანას; ახმეტის ხეტყის მასალას იყენებს აგრეთვე ლენინგრადის პარკეტის ქარხანა.

მთელი წლის განმავლობაში განუწყვეტლივ მიმდინარეობს მუშაობა ახმეტის ტყეში. შეუჩერებლად ხმაურობენ ელექტროძრავები, მღერაინ ელექტროხერხები, ზათქით ეცემიან ხეები, დასრიალებენ ხის მზიდავი მძლავრი ტრაქტორები კტ-12 და C-80 — მიათრევენ წიფელისა და თელის ღეროებს სატყეო უბნების მოედნებისაკენ, სადაც მათ სჭრიან სამმეტრიან მორებად. აქ ავტოკრანები მორებს ტვირთავენ პლატფორმებზე, რის შემდეგ ვიწრო ლიანდაგით ჩამოაქვთ ახმეტის ხეტყის ქარხნის დამხარისხებელ მოედანზე.

აქედან მორების საუკეთესო ნაწილი იგზავნება ფანერის ქარხანაში. დანარჩენი მერქანი დასახერხად მიდის ხეტყის ქარხანაში, სადაც მორები იხერხება ფიცრებად და დეტალებად და ასე დამუშავებული ეგზავნებათ მომხმარებლებს.

ხეტყის საწარმოო მეურნეობის კოლექტივმა, რომელიც ტყის საწარმოო დამუშავებას აწარმოებს ილტოს და ორვილის სატყეო უბნებზე, აითვისა ახალი ტექნიკა. გუშინდელი მეურმეები, მტვირთავები, ხის მჭრელები დღეს საუკეთესოდ მართავენ ტრაქტორებს C-80, ავტომანქანებს, მოტომავლებს. მოტომავლებით ეზიდებიან ხის მორებს რკინიგზით ილტოს სატყეო უბნიდან ახმეტის ხეტყის სახერხ ქარხანამდე.

ორვილის სატყეო უბნის მოწინავე ელექტრომხერხავი ი. მურმანიშვილი, რომელიც უოველდღეურ დავალებას 300%-ით ასრულებს, ხერხავს წიფელს.



ხეების მექანიზირებული გამოზიდვა ილტოს სატყეო უბნიდან. გადმოზიდვას აწარმოებს ნ. ჭიჭიშვილი ტრაქტორ KT-12-ის საშუალებით.



ფოტონარკვევი  
3. ჩერკასოვისა



# მშვიდობის დიდი მომღერალი

## ნ. კოჭლავაძე

ინგლისელმა კომპოზიტორმა, კემბრიჯის საშფო მოსიკის პროფესორმა სტივენს ჯორჯ ბერნანდმა თბილისში ყოფნისას განაცხადა: „ნათლად რომ წარმოიდგინოთ თუ რა სიძნელეს წარმოადგენს მშვიდობისათვის ბრძოლა კაპიტალისტურ სამყაროში, მოგახსენებთ ერთ მაგალითს, რომელიც პირადად გადახდა. მე მშვიდობის თემაზე დაეწერე კანტატა და სათაურად „მშვიდობა“ ვუწოდებ. როდესაც იგი წარვადგინე გამომცემლობაში, სადაც ჩემს შრომებს ყოველთვის ბეჭდვდნენ, გამომცემელმა ზერეულად გადათვალა ჩემი შრომა და ასეთი პასუხით დამიბრუნა: მუსიკა კარგია, მაგრამ სათაური „მშვიდობა“ არ მიმწონს, თუ გსურთ, რომ დაგებუდეთ, სათაური გამოუცვალეთ, აიღეთ რამე ბიბლიიდან და მიაწერეთ, ჩემი აზრით, ესე უფრო კარგი იქნება. მე, რასაკვირველია, ასე არ მოვექცეულვარ და მშვიდობისათვის მებრძოლთა შორის შეკრებილი თანხით დაგვებუდეთ ჩემი შრომა, რომელიც მაშინვე გავრცელდა.“

ეს მაგალითი იმისათვის მოგიყვანე, რომ ნათლად წარმოიდგინოთ, რა ძნელ პირობებში უხდებოდა მშვიდობისათვის ბრძოლა ამერიკელი რასისტების ხელში მუსიკის დიდ ტალანტს პოლ რობსონს.“

პოლ რობსონს თითქმის მთელი მსოფლიო იცნობს. მას იცნობენ ინდოელი მუსიკის და ეგვიპტის ფელაქები, იაპონელი რიკუები და მექსიკელი პიონები. მის სახელს სიყვარულით იხსენიებენ საბჭოთა კავშირის ყველა მოქალაქე. მსოფლიოს პროგრესიულმა კაცობრიობამ იცის, რომ იგი არა მარტო მღერის მშვიდობაზე არამედ იბრძვის მშვიდობისათვის და ისეთ ძნელ პირობებში, როგორც შექმნილია მშვიდობისათვის მებრძოლთათვის ამერიკაში.

ქალაქ ტორონტოს მუნიციპალიტეტი ოთხი დღის განმავლობაში ცოფს ყრია და პოლ რობსონის მიმართ, რომელიც ამ ქალაქში საჯაროდ უნდა გამოსულიყო. „არ შეიძლება მივცეთ ნებართვა, — გაპყვიროდნენ ისინი, — რომ სიტყვით გამოვიდეს იმდენი მხოლოდ!“ და პოლ რობსონს აუკრძალეს სიტყვის თქმა.

ტორონტოს ექვსი ათასი მოქალაქე — მუსიკის, სტუდენტები, დიასახლისები — მოვიდნენ, რათა მოესმინათ თავიანთი საყვარელი მომღერლისათვის. დარბაზში ამდენივე პოლიციელი იყო. პოლ რობსონი არ ლაპარაკობდა, ის მხოლოდ მღეროდა, მაგრამ ყველაფერი გასაგებია იყო, უბრალოდ და ამასთან ერთად მრავალმნიშვნელოვანად. ის იღვა სცენაზე, დიდი და ღონიერი, და მღეროდა: მისი მძლავრი ხმა ავსებდა მთელ დარბაზს. ის მღეროდა ჯო ჰილზე, ამერიკელ მუსიკის მოძრაობის ხელმძღვანელზე, რომელიც „ბოსტონში“ მოკლეს, გმირული რესპუბლიკური ესპანეთის. ოთხ გენერალზე, მრავალმილიონიან თავისუფალ ჩინეთზე, თავის მშობლიურ დაბეჩავებულ ზანგ ხალხზე, მისისიპზე, მღეროდა საბჭოთა ხალხის ბედნიერ სიმღერებს. მან იმდერა მოცარტის სიმღერა და დაუმატა: „მასაც აბრალდნენ ძირგამომთხრელ საქმიანობას“.

პიკსვილში 1949 წლის 4 სექტემბერს გამგებულმა რასისტებმა მოინდომეს პოლ რობსონის მოკვლა, მათ სცადეს მისი ხმის ჩახშობა, რომელიც ხალხს თავისუფლებისაკენ, მშვიდობისაკენ მოუწოდებს, მაგრამ პოლ რობსონი განაგრძობდა მღერას. „იმედი ნუ გქნებათ, რომ ფერადკანიანი ხალხი მხარს დაუჭერს აგრესიულ ომს საბჭოთა კავშირის წინააღმდეგ, რომელმაც პირველმა მოსპო რასიული დისკრიმინაცია.“ — განაცხადა პოლ რობსონმა პიკსვილში. ამერიკელი რასისტები თავს დაესხნენ რობსონს პიკსვილში, მაგრამ მომღერალს რკალივით გარსემოერტყნენ ამერიკელი მშრომლები, რომლებმაც იგი სიკვდილს გადაარჩინეს. ასევე მარცხით დამთავრდა რასისტების თავდასხმა პოლ რობსონზე მეფისში და პიტსბურგში.

პოლ რობსონმა ნამდვილი დედასება მხოლოდ საბჭოთა კავშირში ჰპოვა, თავისუფლებისა და ხალხთა ძმობის სამშობლოში.

„პირველად ჩემს სიცოცხლეში ბედნიერი ვარ აქ, მოსკოვში, — განაცხადა რობსონმა 1949 წ. საბჭოთა კავშირის დედაქალაქში ყოფნისას, — მოსკოვში მე ვიპოვე გზა, რომელსაც მრავალი წლების განმავლობაში ვეძებდი. მოსკოვში გამოცოცხლდნენ, გაიშალნენ ჩემი სიმღერების ფრთები, რომელთაც დაწვეული ჰქონდათ დაბლა დაშვება უმედიანობისაგან. დიხს, დიდებული ქვეყანა! მოსკოვში გატარებული ყოველი წუთი მეხსომება მთელი ჩემი სიცოცხლის მანძილზე“. რობსონს შეუყვარდა საბჭოთა ქვეყანა. ის ყოველთვის გულთბილად იგონებს საბჭოთა მუსიკის და გლეხებთან, სტუდენტებთან და ყველასთან, ვისთანაც მას უსაუბრია ან უმღერია, იმ ბედნიერ დღეებს, რომლებიც მან მშვიდობის სამშობლოში გაატარა. ჩვენ ვიცით, რომ როცა რობსონი მღერის თავის საყვარელ სიმღერას, მას თვალწინ წარმოუდგება ხომლე საბჭოთა სოციალისტური რესპუბლიკა; ტყეებითა და ველებით, უკრაინის ტრახალებითა და კავკასიონის ლამაზი მწვერვალებით, ციმბირის ტაიგებითა და შუა აზიის ბაღებით შემოკობილი მშვიდობის ურყევი ბურჯი, სოციალიზმის ქვეყანა.

პოლ რობსონს უყვარს საბჭოთა კავშირი, მან კარგად შეისწავლა რუსული ენა, მან თავისი ვაკე ჩამოიყვანა ჩვენს ქვეყანაში და რუსულ სკოლაში მიიბარა. თავდაც უნდოდა დარჩენილიყო საბჭოების ქვეყანაში, მაგრამ როგორც მან განაცხადა — ისწავლა ის გზა, რითაც იბრძოდნენ თავის ქვეყანაში თავისუფლებისათვის, დემოკრატიისათვის და ხალხთა შორის მშვიდობის განმტკიცებისათვის. ის დაბრუნდა ამერიკის შეერთებულ შტატებში.

მთელი მსოფლიოს პროგრესიული კაცობრიობა დიდი სიხარულით შეხვდა ცნობას იმის შესახებ, რომ მშვიდობის დიდ მომღერალს პოლ რობსონს მიენიჭა „ხალხ-



პოლ რობსონი

თა შორის მშვიდობის განმტკიცებისათვის საერთაშორისო სტალინური პრემია“.

პოლ რობსონი დაიბადა 1898 წელს. მამა მისი მონა იყო, რომელიც ჩრდილოეთში გაიქცა და ნიუ ჯერსში დასახლდა. ახლაც რობსონი მწარედ იგონებს თავის უსიხარულო ბავშვობას. იგი ხშირად შიმშილობდა და ფეხშიშველა დადიოდა, წვალობდა, ბევრს მუშაობდა, რომ ესწავლა. სკოლაში პირველი მოწაფე იყო და საუკეთესო სპორტსმენი. მან გადალახა რასიული სიძულვილის ბარიერი და რატჯერსის ძველ კონსერვატიულ უნივერსიტეტში შევიდა. უნივერსიტეტის ისტორიაში ეს იყო მესამე შემთხვევა, როდესაც შავკანიანი მიიღეს სასწავლებლად. და აქაც რობსონი ბრწყინვალე სტუდენტი იყო. ამასთან, როგორც უნივერსიტეტის ფეხბურთის გუნდის მოთამაშე, ის იღებს „სრულიად ამერიკის პიონის ფეხბურთში“ — უმაღლეს ჯილდოს ფეხბურთელთათვის ამერიკაში.

„ეს ერთ-ერთი საუკეთესო მოთამაშეა, ფეხბურთის ისტორიაში“ — წერდნენ მანდელ ამერიკულ პრესაში.

რატჯერსის უნივერსიტეტის შემდეგ პოლ რობსონი ამთავრებს კოლუმბიის უნივერსიტეტის იურიდიულ სკოლას, რის შემდეგაც მას იწვევენ იურისტად ერთ-ერთ მსხვილ ფერმაში, მაგრამ ადმინისტრაციისათვის ხშირი უთანხმოების გამო, მას იქიდან ითხოვენ.

რობსონი ტოვებს იურისტის პროფესიას და მიდის თეატრში, სადაც უცბად დიდ ტალანტს ამჟღავნებს. 1924 წლიდან დაწყებული, როდესაც ის პირველად გამოჩნდა სცენაზე ოუჯინა რენილას ერთ-ერთ პიესაში, 1934 წლამდე შექსპირის ოტელოს ბრწყინვალე ტრიუმფამდე, მისი მიღწევები განუწყვეტლივ იზრდებოდა. 1936—1937 წლებში დიდი არტისტი თავის დროსა და გამოცდილებებს ინგლისის სახალხო თეატრის საქმეს ანდომებს.

არავის არ უცდა პოლ რობსონისთვის ხმის დაყენება. უნდა ითქვას, რომ მან თვითონ განავითარა თავისი ბუნებრივი ვოკალური მონაცემები და მიადგინა იმ საუცხოო ხმოვანებას, რომელსაც ყველა აღტაცებაში მოჰყავს. ის ამჟამად ცნობილია, როგორც დიდი მომღერალი, მაგრამ მან სიმღერა დაიწყო სცენიდან მაშინ, როდესაც უკვე ცნობილი დრამატული მსახიობი იყო.

თავის სიმღერებში რობსონი გადმოსცემს უსაზღვრო სიყვარულს ადამიანებისადმი, ცხოვრებისადმი, ყველაფრისადმი, რაც პროგრესიული და მშვენიერია დედამიწაზე.

პოლ რობსონის კონცერტების პროგრამა მდიდარია სხვადასხვა ხალხთა მუსიკალური ნაწარმოებებით. ის მღერის საბჭოთა კომუნურების სიმღერებს, გერმანულ სიმღერას თავისუფლებაზე, ებრაულ სიმღერას პარტიზან ანტიფაშისტებზე, ესპანეთის ინტერნაციონალურ ბრიგადის ბრძოლის მარშს, ინგლისურ ლირიკულ სიმღერებს და, რასაკვირველია, თავისი ერის სიმღერას — დანაღვლიან-ბულსა და ნაწს, მებრძოლსა და მტრისადმი სიძულვილით სავსეს.

პოლ რობსონი მსოფლიოში მშვიდობის დაცვის მტკიცე ჯარისკაცია. აი ამიტომ არის მისი სიმღერები ყველასათვის სასიამოვნო და გასაგები. სწორედ ხალხისადმი სიყვარულში იკრფის იგი ძალას შეუპოვარი ბრძოლისათვის უადამიანობასა და ბარბაროსობის წინააღმდეგ.

„ჩვენი ძალები იზრდებიან, მშვიდობა გაიმარჯვებს ომზე“ — მძლავრად გაისმის დიდი მომღერლის ხმა.



# მეგობრები



თანხა გომოლაკი

მ ო თ ხ რ ო ბ ა

დილის ექვსი საათი იყო. სასტუმრო „თბილისის“ მესამე სართულში სიწყნარე სუფევდა. ღამენათევი მორიგე ქალი რომელიღაც წიგნზე ყვირთავდა, დილის ტკბილ ძილს თავს ძლივს ართმევდა. ირგვლივ დღის სინათლე იდგა, მაგრამ მორიგეს მაგდის ნათურის გამორთვა დავიწყებოდა.

დერეფნის იატაკი რაღაცამ შეაწანწარა, შეფოთებულ მორიგეს მიწისქვეშა ეგონა, უძილობით ფერდობარგული სახე უფრო მეტად გაუფთხრდა, ზეზე წამოვიწარა. იქვე, მახლობელ ნომრიდან ხმაური მოესმა, რაღაც დაეცა რბილად. მაგრამ ძლიერად, შემდეგ ასეთი დაცემა კიდევ განმეორდა.

ერთ-ერთი ნომრიდან მოხუცი კაცი გამოჩნდა.

— რა ამბავია? — ჰკითხა მორიგე ქალს, რომელიც „საქვივოდ“ ახმაურებული ნომრის წინ იდგა და კარზე აკაკუნებდა.

მეორე ნომრიდან გულგახეთქილი ქალი გამოვარდა, ცალ ფეხზე ტუფლი მიერგო, მიორეთი ჩუსტი აეთრია.

— რა ამბავია? — ენის ბორძიკით თქვა უზომოდ შეშინებულმა.

მორიგე რამდენჯერმე დააკუნა კარზე, მაგრამ ოთახიდან არავის მიუქცევია მისთვის ყურადღება, რბილი და მძიმე დაცემისაგან იატაკი ისევ წანწარებდა. ბოლოს, მორიგე ქალი იძულებული გახდა თვითონ გაეღო ნომერი.

ცნობისმოყვარე და შეშინებულ მდგომარეობაში კიდევ რამდენიმე კაცი შემოენატა. ისინი ყველანი ღია კარს მიაწყდნენ და დაინახეს: ორი მღვივითი ჩახსმული, წელსვეთი შიშველი კაპუცი ერთმანეთს დასჭიდებოდა.

მოხუცს გაეღმა ამით დანახავზე.

— ვუჩივლებ! ძილს უფროთხობენ ხალხს! — გაკაპასდა მდგომარი ქალი, — ისე დაეჯახნენ ჩემს კედელს, მეგონა ახლა გადმოინგრევა და ქვეშ მოვყვები მეთქი... საწოლი კედელთან დგას, თხელი კედელია, გეფიცებით... ერთი-ორი დაჯახება კედელს და...

მოჭიდავეებმა დაუპატიუბელი სტუმრები შენიშნეს და წამოდგნენ. გახვითქული იყვნენ, საბერველივით ქშინავდნენ. მათ ბოდიში მოიხადეს და ზაქებივით მორჩილად დადგნენ მეზობლების წინაშე.

ოთახთან შეგროვილი მდგომარეობა ყაყანი დაიშალნენ.

— მოჭიდავეები არიან? — იკითხა ვიღაცამ.

— რა ვიცო... წუხელ თორმეტ საათზე ჩამოვიდნენ საიდანღაც.

— ასე მეგონა ჩემს საწოლზე დაიძინენ... კედელი თხელია... — ერთხელ კედელს დაიწოუნა ყველაზე მეტად შეშინებულმა ქალმა და ცალი ჩუსტის ფლატუნით თავის ნომრისაკენ წავიდა.

ცოტა ხნის შემდეგ ახალგაზრდების წინაშე მარტო მოხუცი კაცი იდგა. იგი ერთ ხანს კართან იყო გაჩერებული და ღიმილით შეჰყურებდა მათ.

— კარგად ჭიდაობდით. — თქვა მოწონებით. ამ თქმაში გულმოკლული კაცის სინანული იგრძნობოდა, კაცისა, რომელიც დაბერდა და სხვის ბედს შენატრის.

— საიდან ხართ, ბიჭებო?

— გორის რაიონიდან. მობრძანდით, ძია კაცო, დაბრძანდით.

მოხუცი კაცი მაშინვე ჩამოჯდა.

— შეჯიბრზე ჩამოხვედით?

— რა? სადმე არი შეჯიბრი ჭიდაობაში, თუ?

— როგორ, თქვენ უკეთ არ უნდა იცოდეთ?

— არა, ჩვენ ლექტორებთან არავინ ვვაჭიდავებ, თორემ...

— როგორ თუ ლექტორებთან... ხუმრობთ?

— არა ძია კაცო, სახუმრო რა გვაქვს... ჩვენ ტრაქტორისტები ვართ, აქ ინსტიტუტში ვსწავლობთ დაუსწრებლად, ახლა გამოცდების ჩასაბარებლად ჩამოვედით...

— მოო, მე კი მეგონა... კეთილი, კეთილი, — მაგრამ ეს ჭიდაობა ასე ადრე რამ მოგაფიქრათ?

— დაჩვეულები ვართ... ყოველ ცისმარე, ემტრეში რომ შევხვდებით — ვვიდაობთ ხოლმე.

— რომელი სჯობნი?

— არც ერთი, ხან მე ვარ ქვეშ, ხან ესა.

— რა გქვიანთ, ბიჭებო?

— მე შოთა, ამას მიტო.

მოხუცი ისე გაერთო მათთან საუბარში, რომ თავის ოთახში გასვლა გადაავიწყდა.

კარგი მეგობრები იყვნენ. საშუალო სკოლაში ერთად სწავლობდნენ, მერე მანქანა-ტრაქტორთა სადგურში ტრაქტორისტობა დაიწყეს, და თან უმაღლეს სასწავლებელში განაგრძეს სწავლა.

გარეგნობით, საქმით, სიტყვა-პასუხით, ზრდილობით და სხვა ბევრი რამით ერთმანეთს ძლიერ წააგავდნენ შოთა და მიტო, მაგრამ სიყვარულში სხვადასხვანი გამოდგნენ. ვინც შოთას მოსწონდა. — მიტოს თვალში არ მოსდიოდა. არც შოთას ეპიტინავებოდა მიტოს არჩევანი. მეგობრები ერთმანეთისათვის კარგს ცდილობდნენ და ყოველთვის თავისი გემოვნებით არჩეიდნენ ქალიშვილებს. შოთას გულს უწვავდნენ მაღალი, ტანყრილი, ოდნავ გამხდარი გოგონები, მიტო კი დაბალსა და ჩასუქებულზე იქერდა თვალს. ერთი მეტად ახი-

რებული ჩვეულება ჰქონდათ: პატარაობიდანვე მიეჩვივნენ და თითქმის ყოველ დღე ექვიდავებოდნენ ერთმანეთს.

სასტუმროში რომ დაბნავდნენ და დილით თვალები აქყიტეს, უწინ ის იკითხეს, აბა აქ სად დავეჭიდეთო?

— გამოდი, ადგილი გვეყოფა, — თქვა მიტომ.

— საწოლი ქვემოთ ჩასწი, აქეთ დიდი ადგილი დარჩება.

და შემდეგ ხელგაშლილი მეგობრები ერთმანეთს შეებნენ.

იმ დღეს ინსტიტუტში მივიდნენ, ვაიგეს როდის რას აბარებდნენ, გამოცდების ცხრილი გადაიწერეს და თვითონ ოთახში გააკრეს.

მთელი წლის განმავლობაში ემზადებოდნენ, ცდილობდნენ გამოცდებზე არ შერცხვნილიყვნენ და კვლავინდებურად, როგორც წინა კურსებზე, მეოთხე კურსზეც კარგად ჩაებარებინათ საგნები.

საგამოცდო ცხრილს ბოლოში მიტომ ორი სვეტი გაუკეთა. ერთს თავში თავისი სახელი დაწერა, მეორის თავში — შოთას სახელი. საგნების გასწვრივ მეგობრებს თავ-თავის სვეტში მიღებული ნიშანი უნდა ჩაეწერათ.

მდგომარეობა ამბავი მიეტანათ სასტუმროს დირექტორისთვის. საღამოს მოვიდა იგი. კომენდანტიც მოჰყვა. „თუ კიდევ განმეორდება, თუ კიდევ ჩაიდნენ“... და ვინ იცის რა არ სთქვა სასტუმროს დირექტორმა, მეგობრებს გასახლებითაც კი დაემუქრა.

— რა ვქნათ? — ჩაფიქრდა მიტო, თითქოს აუცილებელი დიდი საქმე აუკრძალესო.

მეორე დილით ადრიან შოთაზე უწინ წამოხტა საწოლიდან.

— სისხლი მიდულს, გადმო, — შეუძახა მეგობარს.

რადიოთი ამ დროს დილის გამამხნეველ ვარჯიშს გადმოსცემდნენ. შოთას და მიტოს არაერთხელ უთქვამთ: ეს ვარჯიში ქალების, ან სუსტი ვაჟების საქმეა, რომ ცოტა მოლონიერდნენო. თვითონ ჭიდაობას არჩევდნენ. ამაში მეტ სიამოვნებას გრძნობდნენ, კარგადაც ივარჯიშებდნენ სხეულს.

მიტო თვალებს აბრიალებდა და ბრძოლაში წყურბული ბუღა ხარით შე-მართულიყო.

შოთა უფრო თავდაქერილი ჩანდა. მეგობარს ურჩია არ ექვიდავთ, რადგან მეზობლებს კვლავ შიშით გამოადვიებდნენ. არა და რა ექნათ არ იცოდნენ, კუნთების გავარჯიშება უნდოდათ.

— ემ! — ნაღვლიანად ამოთქვა მიტომ და საწოლში დაეჯაჯგურა შოთას.

— ადგი, ბავშვების ვარჯიში მაინც გავაკეთოთ.

სამი-ოთხი დღის შემდეგ საგამოცდო ცხრილში პირველი ნიშნები ჩასწერეს მეგობრებმა.

თბილისში თანდათან დაცხა. მეგობრებს ერთი სული ჰქონდათ მალე დაე-თავრებინათ გამოცდები, თავიანთ სოფელს დაბრუნებოდნენ, ჩრდილიან ბაღებსა და გრილნაივან გაშლილ მინდორ-ველს.

სასტუმროში პირველი ჭიდაობის შემდეგ ხელი აღარ წაუვლიათ ერთმანეთისათვის.

გამოცდები მიიწურა. მეგობრებმა კარგად დაამთავრეს ეს სასწავლო წელიც. სოფელში დაბრუნების წინა დღის საღამოს ინსტიტუტის კლუბში სტუდენტების მონაწილეობით კონცერტი გაიმართა.

შოთა და მიტო გვიან მივიდნენ კლუბში. იქ იმდენი ხალხი იყო, რომ მეგობრებმა კარებთან ძლივს გამოიხატეს დასადგომი ადგილი. ისინი ნაცნობი ქალიშვილის გვერდით მოხვდნენ.

როცა ჩვენი მეგობრები კონცერტზე მოვიდნენ, დარბაზში მყოფი სტუდენტები მქუხარე ტაშით აჯილდოვებდნენ ვიღაცას.

— ვინ არის, მერი? — ჰკითხა მიტომ ქალიშვილს, რომელიც დაბალი იყო და ფეხის წვერებზე დგებოდა, რომ მომდერალი დაეხანა.


მიტომ სცენა შეათვალიერა და იქ რომილთან, მაღალი ტანის ოდნავ გამხდარ ქალიშვილს შეხედა. ქალიშვილი თავის ამხანაგებს მორცხვად უკრავდა თავს.

— მექანიზაციის ფაკულტეტის კურსდამთავრებულია, ნანა შარაბიძე... ნეტა მაგას, — უთხრა მერიმ მიტოს, — ჩვენ კიდევ ერთი წელი გვინდა...

მერი სხვა ფაკულტეტიდან იყო. შარაბიძე გაცივდა მიტოს და შოთას. მიტოს მოეწონა უცხო სიმღერა, თუმცა კი ვერ გაიგო რას მღეროდა კურსდამთავრებული.

მიტოს შეიძლება მოსმენილიც ქონდა ეს სიმღერა... შეიძლება კი არა. უთუოდ მოისმენდა. — სოფელში რა-ღამომღები „ურალი“ უღვას შინ. მოისმენდა, მაგრამ სმენა არ უფარგოდა. ქართულ სიმღერებსაც კი ვერ იმხსოვრებდა რიგაინად. ყველას თითქმის ერთ კილოზე მღეროდა და ისიც უხეიროდ.

მალე დარბაზში ტაშით დაცხრა და მომღერალმა ქალიშვილმა თავისი ამხანაგების თხოვნით ილიას „ხმა გულისა“ იმღერა. ისეთი გრძნობით, ისეთი სინაზით და სიტკბოებით გადმოიღვრა მისი ხმა დარბაზში, რომ შოთას ღამის





გულის ყველა ძაფი ჩასწყდა. ქალიშვილის თვალები, შუქიანი, დიდრონი შავი თვალები, რომლებიც შორიდანაც მკაფიოდ მოჩანდნენ და მთელი სიმაფრით იგრძნობოდა მათი ცხოველმყოფელობა, ანდა მათს მატებდა ვაჟის აჩქარებულ გულს.

მიტოს წარბიც არ შერბევია. მან გულგრილად მოისმინა სიმღერა, მერის წამისებრ რაღაცას გადაულაპარაკებდა და ამით გვერდში მყოფთ ამხედრებდა.

— რა თვალები აქვს, მიტო, რა ხმა!... — დარდიანად ამოთქვა შოთამ, როცა კონცერტის პირველი განყოფილება დამთავრდა და დარბაზიდან გამოვიდნენ, — ვინ არის, უნდა გავიგო... დღემდე აქ არ მინახავს...

— მიქაინაჯისი ფაკულტეტის კურსდამთავრებულიაო, წელან მერიმ არა სთქვა. მოგეწონა?

— ზო, ძალიან მომეწონა, ბიჭო. აბა თუ მეგობარი ხარ, ახლა გაშიწი ავთან-დილობა და ის გავო გამაცანი.

— როგორ უნდა გავაცნო... ჯერ მე უნდა გავიცნო, მერე შენ... ამას დრო უნდა... ჩვენ სი ხვალ დილით გულანაბალი უნდა ავიკრათ და სოფელში წავიდეთ.

— რა იმედი მომეცა!  
დადარდიანდა შოთა. მას კიდევ ყურებში ჩაეხმოდა ქალიშვილის ხმა და ისე ეჩვენებოდა, თითქოს აქ სიმღერას, მხოლოდ ამ კდემამოსილ სინარსარეს უნდა მოექსოვა მისი ცხოვრების დანარჩენი ნაწილი. არა, სხვას არაფერს არ შეეძლო მისი ცხოვრების დამშვენება, გაბედნიერება, მასში სიხარულის სხივის შეტანა.

და იმ დროს, როცა იგი დღელავდა, როცა მის გულს ასე უცებ რაღაც კარგი რამ მოეფენოდა, მიტო გულგრილად უყურებდა მას.

კონცერტის მეორე განყოფილება დაიწყო.

ანაზად დარბაზის მეორე კარბთან, სტუდენტებს შორის, შოთამ ნანას მოჰკრა თვალი. ერთ ხანს ისეთი გრძობით უყურა, თითქოს სურდა თვალთა სხივებით იმ ადგილიდან თავის გულში გადმოეყვანა და იქ მიეცა თამუდამო ბინა სანატრელი ქალიშვილისათვის.

— აგერ შენი მტრედი, — მოუბრუნდა მიტო შოთას. მასაც შეემჩნია იგი.

— ვხედავ.  
— წამოდი, იქით კარბში გავჩერდეთ, შეიძლება გავიცნოთ.

— წამოდი.

წინ მიტო წავიდა, უკან შოთა მიჰყვა.

ბევრი ცდისა და წვადების შემდეგ, როგორც ექნა, ნანას გვერდით მოხვდნენ. შოთამ ახლოდან შეხედა მის სახეს. გულმა უარსად ისეთი ძალით მოუჯახუნა მკერდს, თითქოს გულისფიცარი უნდა გამოანგრისო. შოთამ სიტყვა ვერ მოაგო ენას.

— კარგი იყო კონსერვატორია დაგმთავრებინათ, — გაბედულად გამო-ელაპარაკა მიტო ქალიშვილს, ეგონა ამით გამოიწვევდა საუბარში და კიდევაც გაიციობდა, მერე უბრალოდ ეტყოდა შოთაზე, ეს ჩემი მეგობარიაო და შოთას საქმე აღჩურხე დაუდებოდა.

ქალიშვილმა მოხედა უცნობ ვაჟს.

— რატომ მირჩევთ კონსერვატორიას? თქვენ საიდან იცით, რომ მე კონსერვატორია არა მაქვს დამთავრებული? — ჰკითხა მან მიტოს.

— არა, ისე გითხარით, კარგი იყო მეტოქე... ქალის საქმე არ არის ზეთში და ბენწინში ხელის ფათური... მერე თქვენ...

— რატომ სწუხდებით ჩემს პროფესიასზე?

— ემტეხის ველარ იმღერებ... მინდორში სიციხით დაიწვები...  
— სად ბრძანდებოდით ამ ხუთი წლის მანძილზე რომ ეგ რჩევა მოგეცათ... — უცებ მკვახედ შეაწყვეტინა ნანამ და ზურგი შეაკცია მიტოს. ამით დამთავრდა გაცნობა.

კონცერტიდან გვიან წამოვიდნენ.

აღრენილი იყო შოთა. მიტოზე იყო შემომწყრალი, მაგრამ გზაში სიტყვა არ დაუძრავს. არც მიტო ამბობდა რამეს. ქალიშვილის გაცნობა ვერ გამოუვიდა, სიტყვა ვერ ააწყო ისე, რომ ხანგრძლივად ესაუბრნა ნანასთან. რა გული ჰქონდა? როგორ მკვახედ უბასუხა. მიტო მაშინ ფიქრობდა, რომ ჩემი სიტყვებით მის გულს მოვიგებო, ამიტომ „შესჩივლა“ კონსერვატორია გერჩივნა ინჟინრობასო, ამით კი ქალიშვილის წყრომა გამოიწვია, მერე როგორ გავულისდა, ვინ იცის თავის დღეში სახემიც კი აღარ შემოხედოს, თორემ ხმის გაცემას ვინ ჩივის.

შოთას კი ისე მოეჩვენა, თითქოს მის წინ სიხარულის, სიყვარულის, ნეტარების უტკბილეს სამყაროში შესასვლელი კარი დაიხურა.

მეხუთე ნომერი ტრამვაი კარგა ხანს მირაზრახებდა, მგზავრები ცოტანი იყვნენ. ლამის პირველი საათი დაიწყო. მეგობრები პირისპირ იხსდნენ, მაგრამ ხმას არ სცემდნენ ერთმანეთს.



მიტოს თავის თავზე მოსდიოდა გული, რომ ამხანაგს რიგაინი ავთანდილობა ვერ გაუწია, თორემ „შემაკმა წამილოს, თუ რაპეს ვფიქრობდე ნანაზე, — ამ-ბოზდა გულში მიტო, — საქმე რომ იყოს მე მერის ვამჯობინებდი“.

სასტუმრო ოთახში რომ შევიდნენ, შოთა მიტოს წინ გაჩერდა.

— ეჰ, შენ სულ დაავიჯინე საქმე. განა ქალიშვილებს ასე ელაპარაკებინა?

— მაგარი ყოფილა, ძაო... — თქვა მიტო. ერთ ხანს ჩვეულებრივად შეჩერე თავი აიღო და შოთას უთხრა:

— მოდი მეტიადვე, მე ხელს არ გახლებ... ამიღე და დამანაწილე... სხვა რა ვქნა... ვიცი დანაშაულისათვის თავს არ მომჭირი და არც დედაკაცივით გამოანძღვ... აბა, მოდი, ვინც ამის შემდეგ ჩვენში რაიმე დაუშვავოს ერთიმეორეს — ეს იყოს ჩვენი სასჯელი.

— კარგი, დავიმასხვრებ და სოფელში ვაგდევანებ.

\*\*\*

მეორე დღის საღამოს მეგობრები ახალდაბის ემტეხსში მივიდნენ. ისინი აქ მუშაობდნენ.

— ლამის ყველა ინჟინრები გახდეთ, ტყვიაველებმა კი გვაჯობებს და გარ-დამავალი დროსა წაიღეს, — ამ სიტყვებით შეხვდა შოთასა და მიტოს მანქანა-ტრაქტორთა სადგურის დირექტორი ონოფრე ივანიშვილი.

ტრაქტორისტებმა იცოდნენ ტყვიაველების გამარჯვების ამბავი, ისიც იცოდნენ, რომ რაისაბჭოს გარდამავალი წითელი დროსა მათ წაიღეს სარემონტო სამუშაოების დროზე და ხარისხიანად ჩატარებისათვის. ახალდაბელებმა ბევრით არაფრით ჩაობრჩნენ ტყვიაველებს, მაგრამ მცირემდამც კი დიდი საქმე მავალ დროსა ტყვიავის მანქანა-ტრაქტორთა სადგურში უნდა ეფრიალნა, ახალი ამბავი არ უთქვამს ონოფრე ივანიშვილს მეგობრებისათვის, მას ვერ მოეჩვენებინა თავისი დამარცხება და ემტეხის თანამშრომლებს სულ ამას ეუბნებოდა: „ლამის ყველა ინჟინრები გახდეთ, ტყვიაველებმა კი გვაჯობებს და გარდამავალი დროსა წაიღეს“.

დირექტორის ეს სიტყვები ყველას ედო გულში და ახლა იმისათვის იბრძოდნენ, რომ დროსა უთუოდ უკან წამოედოთ.

— ენახოთ, მოსავლის აღებაში რა ვუკაცები არიან ტყვიაველები!

დირექტორის გასაგონად დაიქადაგა შოთამ და მიტომ და ონოფრეს ისე შეხედეს, გეგონებოდათ მარტო თვალების ცეცხლით აპირებდნენ ქვეყნის საქმის გაკეთებასო.

ვაჟაკის პირობა — პირობაა. შოთას და მიტოს მსგავსი ბიჭები ახალდაბის ემტეხსში ბევრი იყვნენ. მათ თავიანთი თავისთვის ვერ ეპატებიანთ დამარცხება. მკა დაიწყო თუ არა, პირველივე დღეს მანქანა-ტრაქტორთა სადგურის სადისპეტჩეროში გასაოცარი ამბები მოდიოდა.

შოთა და მიტო ერთ კოლმეურნეობაში მოხვდნენ და როგორც კარგ მე-ბობრებს, გვერდი-ვერდ მიჰყავთ თავიანთი მანქანები. კომბაინერები მარჯვენ ბიჭები იყვნენ და მათ საქმეზე ვინმეს რომ ეთქვა: „არაუშავს რაო“ — ცოდვა იქნებოდა.

რა დიდი ყანებია! მწიფე თავთუხის თავბრულამხვევი სურნელი ღვას ირგვლივ.

აღიშონიდან დაისამდე ისე აჭერს შვე, გეგონებთ მხოლოდ ახლა ეშურება პურის ყანის დამწიფებასო. მკვებ დაიწვენენ ბიჭები, გაშავდნენ, უფრო ძალო-ვანნი გამოჩნდნენ.

ქვეყანა გართთა, დიდი და პატარა ყანას შესევია, მთელი წლის მონაგარს იწვივნ.

ერთი კვირის თავზე ტყვიაველები წინ წავიდნენ.

ონოფრე ივანიშვილი აღრენილი დარბის კოლმეურნეობიდან კოლმეურნეო-ბაში. თითქოს მარჯვედ მიდის საქმე, გეგმა გადაჭარბებით სრულდება, ტყვია-ველებს კი ვერ ეწევიან.

— ტემის მოუმტათ ბიჭებო, ტემის. თითქოს ყველანი ინჟინრები ხართ, გარდამავალი დროსა კი სხვასა აქვს, სხვასა რჩება... ტემი, ტემი... — გაიძა-ხიდა ონოფრე და თავის „გაზიკს“ ხან აქვთ მიაქროლებდა, ხან იქით.

დღე და დღე სწორდება, მოსვენება არავისა აქვს. ხორბლით დატვირთუ-ლი მანქანა მანქანაზე მიდის დამშავების პუნქტისაკენ. მეორე კვირის თავზე ახალდაბელებმა ტყვიაველებს გაუსწრეს და უნდა გენახათ ონოფრე ივანიშვი-ლის სიხარული.

იმ დღეს რაისაბჭოში გაიგო ყველაზე წინ რომ იყო რაიონის ემტეხსებს შორის. გორიდან პირდაპირ ტყვიავეში აფრინა თავისი მანქანა. უნდა ენახა როგორ მუშაობდნენ ტყვიაველები. დირექტორის კაბინეტში ყოფნისას მიხილ-მოიხედა ონოფრემ, მაგრამ დროსა იქ ვერ დაინახა.

— დროსა რა უყვით? — იკითხა ონოფრემ.

— პირველმა წარმატებამ გავახარა და დროსის წაღებას ახ-ლავე ფიქრობ? ვერ აღრეა, ჩემო ონოფრე... გარდამავალი დრო-სა ემტეხის მოწინავე აგრეგატზე ფრიალებს, — მიუგო ტყვია-ვის ემტეხის დირექტორმა.

ონოფრეს მოუწონდა იმ მოწინავე კომბაინის ნახვა.

თავითავალი კომბაინი იყო. მარჯვედ მიდიოდა ყანაში. კომ-ბაინერი ზიდ თავმომწონედ იჯდა, ლაღად მღეროდა, მის თავზე ალისფერი დროსა ფრიალებდა... და ეს ისეთი კარგი სანახავი იყო, რომ ონოფრეს მეტი ცეცხლით აუძგერდა გული.

ის მოწინავე აგრეგატი შოთა და მიტომ დაბინდებისას შორს, მიწდვრის პორიზონტზე დაინახეს.

\*\*\*

ახალდაბელებმა თავისი გაიტანეს.

სავაჭურველო მინდვრის სამუშაოების შემავამებელ თათ-ბორიდან, რომელიც ავვისტოს ერთ დღეს რაისაბჭოში ჩატარდა, ონოფრე ემტეხსში მივიდა, ტრაქტორისტებს, კომბაინერებს, ინჟინრებსა და ტექნიკოსებს, ყველა მოსამსახურეს თავი მოუყა-რა და მხურვალედ მიულოცა გამარჯვებას.

მიტინგზე დამსწრეებმა აირჩიეს სამკაცინი დელეგაცია, რო-მელიც ტყვიავის ემტეხსში უნდა წასულიყო და საწემო ვითა-რებაში დროსა წამოედო.

მიტო, როგორც მოწინავე ბრიგადირი, დელეგაციის ხელმძღ-ვანელად დანიშნეს.

მიტინგის შემდეგ ონოფრეს დელეგაციასთან ჰქონდა მცირე თათბირი.

— ჩემი მანქანით წახვალთ ხვალ დილით, — დაუწყო დარი-გება, — მიხალთ... ყოფილი და ჩემდამდობა არ გამოიჩი-ნით... იქ უთუოდ ჩატარდება მიტინგი, დამარცხებულები მოგ-ვილოცავენ... თქვენც უნდა უთხარათ რაიმე... ახლავე უნდა დაგ-





ეროვნული  
ბიბლიოთეკა



ა. კრამსკოი

ქალის პორტრეტი





ი. შიშკინი  
პეიზაჟი

  
ეროვნული  
ბიბლიოთეკა

ი. აივაზოვსკი. ზღვა





ა. ვახუცავი  
პეიზაჟი



ეროვნული  
გალერეა

ბ. კლდიაშვილი  
პეიზაჟი







ეროვნული  
ბიბლიოთეკა





წეროთ სიტყვა... აბა, ბიჭებო, ვისაც რაიმე კარგი აზრი მოგადგოთ—წუ დაიშურებთ. ახალდაბლებს ელოდნენ კანტორის წინ შეკრებილი ტყვიაველი ემტეხელები.

პარტიუროს მდივანი ჭიშკართან შეეგება სტუმრებს.  
— მობრძანდით, მობრძანდით.  
დღეგაბატები შეიწვიეს ღირებულების კაბინეტში, სადაც ათამდე კაცს მოეყარა თავი. ესენი ტყვიავის ემტეხის თავკაცები იყვნენ. მათ შორის რამდენიმე ქალიც ერია.  
მიტომ ღირებულებიდან დაწყებული ყველას ჩამოართვეს ხელი.  
სულ ბოლოს წიგნების კარადასთან გაჩერებულ ქალიშვილს შეხედა, რომელსაც სპეცტანსაცემელი ეცვა.

— სხაგულია... — თავისდაუნებლოდ წაიშინა მიტომ და ძველი კარგა ხნის ნაცნობივით გაუწოდდა ხელი.  
ქალიშვილს გაეღიმა. მან მასწავლა შეიძინო ის მსმენელი, კონსერვატორიაში შესვლას რომ ურჩევდა. თუქა მასწავლა ზურგი შეაქცია მიტოს და მასთან ლაპარაკიც კი არ მოსურვებდა, ახლა, როგორც გამარჯვებული ემტეხის დღეგაციის ხელმძღვანელს ხელი ჩამოართვეს.

სანამ დღეგაციის დანარჩენი წევრები მასწავლებლებს ხელს ართმევდნენ, მიტომ მოასწრო ნანასთან გასაუბრება.  
— ახლა სულ სხვაა ჩაბრუნდა... აქ მუშაობთ?  
— დიახ, ერთი თვეა აქ ვარ... მე კი თქვენ სრულიადაც არ გელოდით...  
— ხდება ხოლმე ასე... ახლა გარდამავალ დროშას წავიდეთ, — თავმოყრილად მიუგო მიტომ.

მიტომ ამ სიტყვების თქმისთანვე სახე იქით წაიღო, ემტეხის დარბაზის შეხედა, რომელშიც საერთო ყურადღება მოითხოვდა...  
მიტინგის შემდეგ, მიტომ თავმოყრილად ჩაჯდა მანქანაში, ტყვიავლებს აქაუად გადახედა, გარდამავალი დროშის ტარი გულდაგულ მიამარჯა მანქანის კარებთან და დროშას კალთა გაუშალა. მანქანას ნანა მიუახლოვდა.

— ზეიმობთ? არ გეგონოთ დიდ ხანს შეგარჩით. თქვენ მე თბილისში შეგეცოდით, რა ქალიშვილის საქმეა ზეთში და ბენზინში ხელის ფათურით... დადგება დრო, ჩემის ხელით წამოვიღებ მაგ დროშას.  
და ქალიშვილმა, როგორც იმ საღამოს, ინსტიტუტში გამართულ კონცერტზე, ახლაც ისე შეაქცია ზურგი მიტოს.

მიტოს თვალწინ წარმოუდგა შოთა, ნანას სიყვარულით დათვრალი შოთა, რომელსაც თბილისიდან წამოსვლის შემდეგ მოსვენება აღარ ჰქონია, დარდობდა, მთელი არსებით განიცდიდა თავის პირველ სიყვარულს.

კარგ ამბავს ჩაუტანს მიტომ შოთას. რა ქნას მიტომ, ვერ მოხანა საერთო ნანასთან... ახლა ნანა ახლოა, შოთა მალე გაიცნობს, იქნებ თვითონ მოახერხოს რამე...  
ო, როგორ გაახარებს მეგობარს!

\* \* \*

ახალდაბლების ზეიმის საზღვარი არ ჰქონდა.  
ონოფრემ მარად ჩაბღუჯა დროშის ტარი და თავის კაბინეტში შეიტანა. კანტორის წინ მოგროვილი ემტეხელები დიდ ხანს კიდევ არ იშლებოდნენ. მიტომ გვიან შეხვდა შოთას.

— ვნახე, შოთა, ის ვნახე, — მიახარა მიტომ და ისე მოეხვია ძმადნაფიცს, თითქოს აგერ ათეული წელი იქნება რაც არ უნახავსო.  
— ვინ ვნახე, ბიჭო, რას ამბობ, შენ რაღაც ძალზე გახარებული ჩანხარ, ნანა ხომ არ შეგხვდა სადმე?

— ჰო, ტყვიავის ემტეხისშია იწყინარად.  
— შენ კი გენაცვალე, ბიჭო! — დაიძახა სიხარულით გადარეულმა შოთამ და მეგობარი გულში ჩაიკრა.  
მერე ჰადრის ქვეშ დასხდნენ. შოთას სახეს ისეთი ნათელი სხივი ეფინა, თითქოს მისი გულის სატარო უკვე გვერდში ყოლოდეს...

— ახლა ისე ვიბრძობები, ისე ვიმუშავები, რომ ჩემი სახელი ტყვიავლებს წამალაუწყებ სალაპარაკოდ ჰქონდეთ... მე მჯერა, რომ ნანას გამარჯვებული ვუკაცი შეუწყვარდება... თუ ბიჭი ვარ...  
ოცნებით თვალები მიიღულა შოთამ, თვალწინ წარმოუდგა თბილისი, ინსტიტუტი, კონცერტი, ნანა... ო, რა მზიანი, რა სიცოცხლით სავსე თვალები აქვს! შოთა ურუნდებოდა გაცხრა, მერე კუნთების საოცარი მოღუნება იგრძნო...

— ნანა დაგვემუქრა: დროშის წამოსაღებად მე თვითონ მოვალ ხვან-თესვის დამთავრების შემდეგო, — უთხრა მიტომ.  
— რაო? — წელში გასწორდა შოთა, — როგორ თუ დაგვემუქრა...  
— ჰო, ასე თქვა... მერე ზურგი შემაქცია... ძალიან მიბრაზდება, არ ვიცი რა დავუშავე იმ გოგოს!

\* \* \*

მას შემდეგ, რაც მიტომ ნანას ტყვიავში ყოფნის ამბავი ჩამოუტანა მეგობარს, შოთამ ვეღარ მოისვენა. რამდენჯერ გადაწყვიტა, ყველას ჩუმად, თვით მიტოს ჩუმადაც კი, წასულიყო ტყვიავის ემტეხისში და ნანა ენახა, მაგრამ ვერ გაბედა.

ერთხელ თავს ძალა დაატანა, ოსეთში მიმავალ საბარგო მანქანას გაჰყვა, ტყვიავში ჩამოსვლა, ემტეხისში მივიდა. ეწოში კაციშვილი არ ჩანდა, ახლა ის დრო იყო, როცა ტრაქტორების უმეტესობა მინდვრებში ანეულის სახნავად იყო გასული.  
„ხად იქნება ნანა?“ — არ ასვენებდა ფიქრი შოთას. მიტოს გარდა ქვეყანაზე არავინ იცოდა მისი სიყვარული, ამიტომ უფრო გაბედულად შევიდა ტყვიავის ემტეხისში. ვერვინ აღებდა ეჭვს, რომ ნანას სიყვარულმა მოიყვანა იგი აქ. სარემონტო სამჭროს დიდი ფანჯრები ჰქონდა და შიგ რა ხდებოდა ყველაფერი ჩანდა გარედან. შოთამ აქ რომ ჩაიარა, ანაწლად თვალი მოჰკრა სპეცტანსაცემელში გამოწყობილ ქალიშვილს. შოთა ერთ ადგილზე გახედა. ნანა გვერდზე იდგა, მას არ შეეძლო შეემჩნია გარედან მოთვალთვალე ვაჟი.

არა, ნანა არა გავდა იმას „ხმაგულისას“ რომ მღეროდა ინსტიტუტის კლუბში, ახლა სხვა იერი დამჩნეოდა მის ლამაზ სახეს, ოდნავ შეკრული შუბლით, ჩაფიქრებული გამომეტყველებით ჩანდა, რომ იგი ახალ საზრუნავს განიცდიდა მთელი არსებით. გასარემონტებელ ტრაქტორთან იდგა.

ერთ-ერთ ტრაქტორისტს შეემჩნია სარემონტო სამჭროსთან გაჩერებული შოთა. მან ბენზინის საწყობთან მიიბრინა და იქ ხუთიოდე ტრაქტორისტს აქაქანებულმა გადასცა:

- ახალდაბლების დაწვევა ღრმად შემოჭრილა ჩვენს ტერიტორიაზე, შეხედეთ!
- ყველამ გაიხედა სარემონტო სამჭროსაკენ.
- ეშინიათ დროშის დაკარგვის!
- ძლივს წაიღეს!
- დავაპატიმროთ, ღირებულების მივგვაროთ! — იხუმრეს ბიჭებმა.

ტრაქტორისტები შოთასთან მივიდნენ და გარსემოვრტყნენ. კაციშვილი არ ჩანდა და უცებ ხუთი კაცი დაადგა თავს. ხუთივეს კარგად იცნობდა შოთა.  
— გამარჯობათ, ბიჭებო, — ჩვეულებრივად მიესალმა იგი და პირი იპრუნა, რომ მათ რაიმე ეჭვი არ აეღოთ ნანას რომ უშვრდა.

ტრაქტორისტებმა ხელი ჩასჭიდეს შოთას.  
— რა გინდათ... თუ ჰქვია ნანა გინდათ, საითაოდ, ან ორ-ორი გამოდით, — დაწვერვავ ხარ? გეშინიანთ? — თითბებდნენ ბიჭები და ხელებს ისე უშვრდნენ შოთას, თითქოს მართლა სამტროდ მოსულიყო ახალდაბელი ტრაქტორისტი.  
— ღირებულებით წამო.

კვლავ ეხუმრებოდნენ ბიჭები. მათმა მხიარულებამ შოთასაც გაუხსნა გულს, ხელები დაკავებული ჰქონდა.  
— აბა, მამ ფეხზე მაგრა დადებით, — შეუძახა ტრაქტორისტებს. ერთი მაგრად გაიბრძოლა, ბიჭები აქეთ-იქით მიყარ-მოყარა, მკერდი გაშალა, თავი გამარჯვებულივით მაღლა შემართა, ისეთი სჩანდა, თითქოს მთას უნდა დაეჯახოს და სწორედ ამ დროს გაისმა ქალიშვილის ხმა:

— რა ამბავია?  
ნანა იდგა შოთას წინ.  
მიწაზე დაცემული რამდენიმე ტრაქტორისტი წამოდგა და დამნაშავე ბავშვივით გაჩერდა თავის იწყინრის წინაშე.

— დაწვერვავა ახალდაბიდან, — უთხრა ერთმა ტრაქტორისტმა.  
— არ მესხის რას ამბობთ... წადით საქმეს მიხედეთ... მე ერთხელ ვთქვი, რომ სამუშაო საათებში თავი მიანებეთ ქვიაობას... — ნანას წარბი შეკრული ჰქონდა.

ტრაქტორისტები უსიტყვოდ შეტრიალდნენ და წავიდნენ.  
შეტრიალდა და იმ ადგილს გაშორდა შოთაც, მის გულში სამუდამოდ აღიბეჭდა ნანას უკანასკნელი შემოხედვა. რამდენადაც ქალიშვილმა სიმკაცრე და გულგება გამოიჩინა თავისი ტრაქტორისტების მიმართ, იმდენად მორცხვი აღმოჩნდა უცხო ვაჟკაცის წინაშე, რომელსაც დანაშაულზე წასწრო, მაგრამ ერთი სიტყვის თქმაც ვერ გაუბედა. ის მორცხვი იყო, სწორედ ისეთი, როგორც მამის, კლუბის სცენაზე. შოთამ ისიც კი დანახა, თუ როგორ შეუფაქვდა ლოყები ნანას და როგორ ნაწად დახარა თავი.

\* \* \*

მთელი დღე ხნავდა შოთა.  
მეორე დღეს, უშადღეს ონოფრემ თავისი ხელით მოიტანა და მის აგრეგატზე დაამატა გარდამავალი დროშა, მერე ტრაქტორისტს უთხრა:

— მოგილოცავ გამარჯვებას, ჯერ-ჯერობით ყველაზე წინ მიდხარ.  
თავმოწონედ, მოზეიმე იერთი, მკერდასხილი იჯდა შოთა ტრაქტორზე. ონოფრეს რაინული გაჭეთის კორესპონდენტიც მოჰყოლოდა. ამ კაცმა ფოტოაპარატი ხან აქედან ააჩხაკუნა, ხან იქიდან.

მეორე დღეს შოთას სურათი გაჭეთის პირველ გვერდზე იყო გამოქიმილი. უყურებდა ვაჟკაცი თავის სახეს და გულში სიხარულს გრძნობდა: ახლა ნანაც უყურებს მას და აგონდება თბილისი, კლუბი, კარებთან გაჩერებული ორი ვაჟკაცი, მერე სარემონტო სამჭროს წინ მომხდარი ამბავი და ვინ იცის... რატომ შეწითლდა მამის, რატომ ჩაღუნა თავი?!  
ვინ იცის, რა გრძნობა იმალება ქალიშვილის გულში!

ჰო, ნეტავ კი იცოდეს ეს საიდუმლო შოთამ, ნეტავ კი იცოდეს, რომ ნანა მისი იქნება სამუდამოდ.  
შოთამ გაჭეთი გულდაგულ დაეცვა, ხალათის ჯიბეში შეინახა, ტრაქტორის საკე მომართა, მანქანა დასძრა და ლალი სიმღერა გააყოლა მთებიდან გამოქცეულ ნიავს.

გატაცებთ მუშაობდა, ხანდახან შორეულ მთებს გაჰყურებდა.  
გაღმა-გაღომდა ქედები და მთები მეტისმეტ მზიურ შუქს გაეფერმკრთალებინდა და არც თუ მტრედისფერად, არც თუ ცისფერად გამოიყურებოდნენ; უფრო კიდევ იმით ჩანდნენ ისე ციურნი, რომ ამ პაპანაქებში მდინარეებიდან და მიწიდან ასული ოშხივარი ნისლივით გამგდარიყო ჰაერში. მთას მთობა ჰორიზონტის უსწორმასწორო მოხაზულობით ეტყობოდა, შორს ასე მკრთალად მოჩანდა მიწისა და ცის ზღვარი. უსასრულო და მშვენიერი იყო სამყარო.


გზაზე „პობედა“ მოჭროდა. უცებ იგი ტრაქტორის გასწვრივ დამუხრტებდა. შოთა მიხვდა და უცებ გულის ყველა ძაგი ლამის ჩასწყდა. შეაყენა ტრაქტორი, სწორედ იმ დროს მსუბუქი მანქანა ადგილს მოსწყდა და მინდორში ცალად დარჩნული შოთას კვლავ გულისმომკვლელად დარჩა „პობედის“ შეფერის, იწყინერ ნანას ტბილი ღმილი.

\* \* \*

ერთ დღეს ონოფრე აღრენილი მოვიდა რაისაბჭოდან. კანტორის წინ უკვე მოგროვილიყვნენ ემტეხელები, ღირებულები მათ ორიოდე სიტყვით ამცნო დამარცხება და მერე თავჩაქინდრული შევიდა თავის კაბინეტში.

მეორე დღეს დროშა წაიღეს. მერე ვინც მიტინგს მიტომ არ დასწრებია, შოთა სასოებით შეჰყურებდა ნანას, შეჰყურებდა მის გამარჯვებულ სახეს. ტყვიავლების მანქანა გზაზე გავიდა, ნანას ხელში მაგრად ეჭირა დროშის ტარი და შეგებებულ ქარზე ატლაშუნებულ დროშის კალთით ესმოდა შრომისა და გამარჯვების სიმღერა.

ამ დროს შარაზე გაღიმებული სახით იდგა შოთა.  
— გიხარია, რომ შენმა სატარომ წაიღო დროშა? — საიდანაც გაიჩინდა მიტომ და გვერდში აპოლდა.  
— მე ის მიხარია, რომ გაზაფხულზე წავალ ტყვიავში, ახლა ჩვენ წამოვიღებთ მაგ დროშას და მამის ნანას ვეტყვი, რომ მიყვარს, მიყვარს მთელი არსებით. ო, რა კარგია ის გაზაფხული!







# მოსეთოიქე

გარდაიცვალა სსრ კავშირის სახალხო მხატვარი, სსრ კავშირის სამხატვრო აკადემიის ნამდვილი წევრი, სსრ კავშირის მხატვართა კავშირის ორგკომიტეტის წევრი მოსე ივანეს-ძე თოიძე. საბჭოთა საზოგადოებრიობამ ამ ცოტა ხნის წინათ ზეიმით აღნიშნა ღვაწლმოსილი მხატვრის იუბილე.

მოსე თოიძის სახელთან განუყრელადა დაკავშირებული ახალი ქართული რეალისტური მხატვრობის ზრდა და განვითარება და პროფესიული სამხატვრო განათლების ორგანიზაცია ჩვენში.

მ. თოიძე 1871 წელს დაიბადა ქ. თბილისში. მისი პირველი ნამუშევრები გასული საუკუნის უკანასკნელი ათეულის წლებით თარიღდება. ამ პირველ ტილოებშივე გამოვლინდა ახალგაზრდა მხატვრის რევოლუციური განწყობილება.

სამხატვრო განათლება მ. თოიძემ მიიღო პეტერბურგის სამხატვრო აკადემიაში. აქ მასზე დიდი გავლენა მოახდინა დიდმა რუსმა მხატვარმა ი. რეპინმა.

მ. თოიძის ხანგრძლივსა და ნაყოფიერ მუშაობას უდიდესი დაფასება და გასაქანი მიეცა საქართველოში საბჭოთა ხელისუფლების დამყარების შემდეგ.

საბჭოთა ხელისუფლებამ არა მარტო ყველა პირობები შეუქმნა მხატვარს შემოქმედებითი და პედაგოგიური მუშაობისათვის, არამედ მას მისცა უდიდესი შთაგონება ახალი ნიჭიერი ტილოების შესაქმნელად.

თავისი შემოქმედების ამ პერიოდში მ. თოიძემ შექმნა ბევრი მაღალმხატვრული ნაწარმოები, რომლებიც გამსჭვალულნი არიან მგზნებარე პატრიოტიზმით და სოციალისტური მშენებლობის გმირული პათოსით.

სამამულო ომის მრისხანე დღეებში სახელოვანი მხატვრის შემოქმედება ვერაფერზე გამარჯვებას უნერგავდა ფრონტისა და ზურგის მეზობლებს.

განსაკუთრებით აღსანიშნავია მ. თოიძის დამსახურება, როგორც პედაგოგის, ჯერ მის მიერ მოწყობილ სამხატვრო სტუდიაში (1922—1929) და შემდეგ თბილისის სამხატვრო აკადემიაში. მისი უშუალო ხელმძღვანელობით აღიზარდა და დავაჟაკცდა ქართველ მხატვართა რამდენიმე თაობა.

დიდია ის როლი, რომელიც მოსე თოიძემ შეასრულა ქართველ მხატვართა შემოქმედებით და ორგანიზაციულ ცხოვრებაში.

## მეიკოვსკი გიგანდობა...

### ვახვანგ ნალრაიშვილი



საქართველოში,  
ჩემს დალოცვილ საქართველოში,  
პოეტის მოხვლა ვის გაუკვირდეს?...  
და მაინც ვლოცავ ამ მთაგორებს,  
მწვანით შემოსილს,  
შენს გულის სათქმელს  
უცებ ციცილი რომ წაუკიდეს.  
ცამეტ გაზაფხულს  
აქ იწვოდის,

აქ ოცნებობდი —  
და ბოლოს ლექსის ქარიშხალად მოედე რუსეთს,  
გაზაფხულივით არასოდეს არა ცვდებოდა —  
შენი ნათქვამი —

საუკუნე დღესაც რომ უსმენს...  
უსმენს ზანგი  
და კორეელი,  
უსმენს სიყრმიდან —

და ვით ბავშვები პირველ სეტყვას — დაიტაცებენ...  
და ალბათ შენზე —  
ვით პოეტზე,  
იმდენს იტყვიან,

რამდენიც ჯერაც არა თქმულა ქვეყნად არც ერთზე.  
მეც იქ ვიქნები:  
სადაც ზანგი  
და კორეელი,

რომ იმათსავით —  
ერთმა ქართველმა —  
ზე ავწიო,  
ჩამოგართვა ხარბად ეგ ხელი —

მომავლისკენ რომ გაიწოდე ჩამოსართმევად!..  
შენი სტრიქონით  
აფეთქებდნენ ბებერ რაიხსტაგს,  
შენი ლექსებით  
მთავრდებოდა ფრონტზე წერილი...

და მერე:  
ლექსის ამ ნახევიდან —  
შენა სუნთქავდი  
თამაქოს ალს გადარჩენილი...

შენი სიცოცხლე თვითონაც კი ვერ დაამთავრე,  
და შენ გრძელდები,  
შენ არასდროს არ დამთავრდები...  
ყველა მომავალ საუკუნის თანამედროვე —  
შენი ლექსია ამის თავდები!

## ჭეჭილის წვიმა

### ბონლო ქაშელავა

ჯეჯილის წვიმას ეძახის ხალხი  
შუა მაისის შხაპუნა წვიმას,  
ლორთქო ფოთლიან ხის ტოტებს დახრის,  
ძირს მარგალიტის წვეთებად ცვივა.

საამო არის ხმა მისი მაშინ,  
შორიდან, როცა შეტევას იწყებს,  
ერთს იშხუილებს, უცებ ფრთებს გაშლის,  
მის მოსვლის წუთებს რა დაგავიწყებს.

ამ გაზაფხულზე ჭეჭა და ქუხილს  
მოჰყვა და უხვად გადმოგვესხურა,  
მცირე ხნით ირგვლივ ჩამოდგა მწუხრი,  
ააფრთხილა ხეზე ბელურა...

გადაიკარა, მზემ აწეწილი  
ღრუბლები სწრაფად გამოიარა.  
წვიმით დახრილი ნორჩი ჯეჯილი  
მიმოარწია კრძალვით ნიაგმა.

ყლორტში აღმასობს წვიმის წერტილი,  
ის უხილავად მიიწვეს ცისკენ.  
გაცეცებული, ყურაცმეტილი  
მზისგან მოელის გათბობას ისევ.



# გორის თეატრი

ალ. ბურთიკაშვილი

დიდი ხანა ისტორიას ჩაბარდა ცენტრისა და პერიფერიების თეატრების სხვადასხვა საზომით შეფასება. გემოვნებაგანვითარებულ მაცურებელს ვერ მიიზიდავთ თეატრში, თუ რეპერტუარი მის მზარდ მოთხოვნას არ აკმაყოფილებს და პიესებსაც სათანადო ხორცშემსხმელები არა ჰყავს.

როცა მაცურებელი გულცივი, უტყვი მოწმე არ არის ყოველივე მისი, რაც სცენაზე ხდება და მოქმედ პირთა გამარჯვება თავის საკუთარ გამარჯვებად მიიჩნია, ეს სპექტაკლის წარმატების ნიშანია. ასეთი სცენის მოწმე ვიყავით გორის თეატრში იონა ვაკელის „რვალის“ განსახიერებისას.


პიესის დამდგმელი რეჟისორი გ. აბრამიშვილი ტიპაჟთა სწორად გააზრებით და გამართლებული მიზანსცენებით საინტერესო სპექტაკლსა ქმნის.

საინტერესოდ დადგა ამავე რეჟისორმა სტალინური პრემიის ლაურეატის, თურქმენი დრამატურგის ზუსეინ მუხთაროვის პიესა „ოჯახის ღირსება“.

პიესა შესახარულბლად იოლი როლია. იგი მოკლებულია ყოველგვარ გარეგნულ ეფექტებს, მაგრამ ძლიერია თავისი ფსიქოლოგიური განცდით. პიესაში თუ ანახალი დაირღვა, მარცხი აუცილებელია. მსახიობებმა ი. ოსაძემ (ალანია),



თეკლე (გიორგი სააკაძე) — მსახიობი ქ. ბოჭორიშვილი



ირაკლი თაბაგარი («რვალი») — მსახიობი ვ. ცხვარიაშვილი

ე. ბერუაშვილმა (ხიკე), ს. კალანდარიშვილმა (მისაბამი), ა. შონიამ (ატა) როლების სიმართლით წარმოსახვით მეტად საინტერესო სახეები შექმნეს.

ამავე თეატრის მეტად საყურადღებო სპექტაკლია ი. ვაკელის „გიორგი სააკაძე“. თეატრის მთავარი რეჟისორის, ხელოვნების დამსახურებული მოღვაწის გრ. ლალიძის დადგმაში იგრძნობა ეპოქის ცოდნა, მოქმედ პირთა სწორად გააზრება.

ლამაზი და გამართლებული მიზანსცენები წარუშლელ შთაბეჭდილებას ხტოვებენ. კარგად ანსახიერებენ როლებს მსახიობები: ს. კალანდარიშვილი (გიორგი სააკაძე), გრ. ლალიძე (ლუარსაბი), ქ. ბოჭორიშვილი (თეკლე), ა. შონია (შადიმანი), გ. აბრამიშვილი (შაბ-აბაზი).

სპექტაკლიდან მიღებულ შთაბეჭდილებას ანელებს მეორე მოქმედებაში ხელოვნების უარაჩოლული დიალექტით ამეტყველება.

გორის თეატრის ამ სეზონის ყველაზე საინტერესო სპექტაკლია „ოთარანთ ქვრივი“ (დადგმა გ. ლალიძის). თეატრს მეტად ორიგინალურად აქვს გაკეთებული აღნიშნული სპექტაკლი. არ შეიძლება განსაკუთრებით არ აღინიშნოს მხატვარ მირიანიშვილის ნამუშევარი. გაფორმებაში იგრძნობა დეკორაციული ხელოვნების ცოდნა და მალალი პროფესიონალიზმი. თვალს ახარებს პირველ სურათში სოფლის პეიზაჟი, მოსაწონია ოთარანთ ქვრივის კარ-მიდამო, ორიგინალურად არის გადაწყვეტილი არჩილის სახლის აივანი, წარმტაცია კეხოს ბალი და სხვ.

სპექტაკლში მონაწილე მსახიობები დაკისრებულ როლებს მთელი ძალითა და ოსტატობით ასრულებენ.

გორის თეატრის სპექტაკლები უნაკლო არ არის. როლის ყველა შემსრულებლები როდი დგანან მოწოდების სიმალლეზე. თეატრის ვალია კრიტიკულად გადახედოს თავის ნამუშევარს და ენერგიულად იბრძოდეს შემჩინულ ნაკლთა აღმოსაფხვრელად.

ეროვნული გიგლიოთეკა



სტალინური პრემიის ლაურეატი, ქ. სუხუმის მთავარი ქირურგი მ. ახალაია ათვალეირებს სისხლის ძარღვების შემკერავ აპარატს.

რამდენიმე რთული ოპერაციის გაკეთების შემდეგ კაპიტანი მიხეილ ახალაია თავის მიწურში წავიდა და სახვეწებლად. ამოიღო სალაშქრო ჩანთიდან ტყავის ყდაში ჩასმული წიგნი, სწრაფად გადაფურცლა, იპოვა საჭირო ადგილი და ჩაილაპარაკა:

— დიას, მართალი იყო, ნამდვილად მართალი იყო მოხუცი...

— ვინ მოხუცი, მიხეილ? — შეეკითხა მას ამავე მიწურში მყოფი მედიცინის სამსახურის ლეიტენანტი ვასილი პროკოპენკო.

— აი, ყური უგდე! „...შესაძლებელი რომ გახდეს სისხლის ძარღვების გადაკანძვის ნაცვლად მათი სწრაფად და ხიმიდოდ შეერთება, ქირურგიაში ახალი ერა დადგება“.

ასე წერდა საველე ქირურგიის მამა, დიდი რუსი ქირურგი პიროგოვი; და ორივე ექიმს უნებლიეთ მოაგონდა ახოვანი სერჟანტი ტანკისტი, რომელსაც დილით ფეხის ამპუტაცია გაუკეთეს სისხლის ძარღვების ძლიერი დაზიანების გამო.

ის, რაზედაც დიდი პიროგოვი ოცნებობდა, აღსრულდა.

მაგრამ საბჭოთა ადამიანი არასოდეს არ კმაყოფილდება მიღწეულით. აპარატი ხომ შექმნილია, მიღებულია,

ხმარებაშია — თითქოს, მეტი რაღა უნდა იყოს საჭირო? მაგრამ მიხეილ ახალაია კვლავ მუშაობს თავისი საუცხოო აპარატის გამართვებაზე.


— მიზნად დავისახე, — ამბობს მიხეილი — კიდევ უფრო გაუმართავო სისხლის ძარღვების შემკერავი აპარატი ისე, რომ ყოველ მედიცინის დას შეეძლოს მისი მოხმარება.

ახალგაზრდა მეცნიერი, რომელიც ამჟამად ქ. სუხუმის მთავარ ქირურგად მუშაობს, თავის ახალ აპარატს იყენებს ქირურგიის სხვა დარგშიც, როგორცაა: ბრონქების, ნაწლავების შეკერვაში მიმართულებით მის მიერ ჩატარებული მათემატიკური ურთულესმა ოპერაციებმა კარგი შედეგი გამოიღო.

ამჟამად მ. ახალაია ატარებს ოპერაციებს ცხოველებზე, თავისი დიდი ხნის, ჯერ კიდევ ომამდე, მოსკოვში, პროფესორ ბ. ა. ბოგორაზის ხელმძღვანელობით დაწესებული შრომის დასაგვირგვინებლად. ამ ნაშრომის თემაა: „მოკვეთილი კიდურების ხელახლა მიკერება და გაცოცხლება“. ამ ოპერაციების გასაკეთებლად სსრ კავშირის მედიცინის მეცნიერებათა აკადემიის სუხუმის ბიოლოგიურ სადგურში ამხ. ახალაიას გამოყოფილი აქვს სპეციალური ლაბორატორია.

ამ დალს მოკვეთეს ფეხი; რამდენიმე დღის შემდეგ მას აპარატი მიკერეს მოკვეთილი ფეხი. ამხ. მ. ახალაია ამოწმებს ფეხის მგრძნობელობას მიკერების შემდეგ.

ფოტო ს. კოროტკოვისა





მოულოდნელი და გულის დამწველი იყო გამოჩენილი კინო-მსახიობის, ქართველი ხალხის საყვარელი და საამაყო ასულის ნატო ვაჩნაძის გასვლა ცხოვრებიდან. უაზრო, საბედისწერო შემთხვევამ იმსხვერპლა მისი ლამაზი სიცოცხლე. უდროოდ დაიხურა მისი წარმტაცი ცხოვრების წიგნი. მილიონობით ადამიანებს, როგორც საქართველოში, ისე საქართველოს გარეთაც, მწარე ტკივილს განაცდევინებს მისი სიკვდილის ამბავი. ყველგან, მსოფლიოს ყველა კუთხეში, სადაც კი არსებობს ეკრანი, ცნობილი იყო ნატო ვაჩნაძის სახელი. არაჩვეულებრივი იყო მისი პოპულარობა, უსაზღვრო იყო სიყვარული, რომლითაც სარგებლობდა იგი ყველა ქვეყანაში, ყველა ტომისა და მოდგმის ხალხებში. მიზეზი ამ საზღაპრო პოპულარობისა იყო არა მარტო ჩვენი სახელოვანი მსახიობის გარეგნული სიტუარე. მილიონობით მაყურებელს ხიბლავდა მის მიერ ეკრანზე აღბეჭდილი ქალთა სახეების უბრალოება, შინაგანი კეთილშობილება, ზნეობრივი სიფაქიზე.

ნატო ვაჩნაძემ მთელ მსოფლიოს გააცნო ქართველი ქალის ჯადოსნური სილამაზე და მისი მდიდარი სულიერი სამყარო. ძველთაგან გადმოცემული ლეგენდა ქართველ ქალთა მომხიბლავ მშვენიეზაზე მან ხელსახებ სინამდვილედ აქცია თავისი ბუნებრივი მონაცემებით და წარმტაცი არტისტული ნიჭიერებით.

ნატო ვაჩნაძემ უზომო ამაგი დასდო მშობლიური ქვეყნის ხელოვნებას, საბჭოთა ხალხის კულტურას. ის იყო ერთ-ერთი ფუძემდებელი და დედა-ბოძი ქართული კინო-ხელოვნებისა. მისი შემოქმედებითი ბიოგრაფია განუყრელი ორგანული ნაწილია საბჭოთა ქართული ხელოვნების ისტორიისა. ჯერ კიდევ სრულიად ახალგაზრდა მოვიდა ის ქართული საბჭოთა კინემატოგრაფიის სათავეებთან, ოცდაათი წლის მანძილზე განუწყვეტელი შრომით, თავისი მაღალი ნიჭიერებით და მგზნებარე ტემპერამენტით დაიკავა ერთ-ერთი ყველაზე თვალსაჩინო, მოწინავე ადგილი ქართულ ხელოვნებაში.

ნატო ვაჩნაძე პირველი ქართველი კინო-მსახიობი იყო, რომელმაც შექმნა ქალთა სახეების მდიდარი და მრავალფეროვანი გალერეა ქართველ მწერალთა ნაწარმოების მიხედვით. მან თავისი ელვარე ნიჭით, უბრალო და შთაგონებული თამაშით სული ჩაუდგა, ხორცშესხმულ ადამიანებად აქცია და აამტყვევლა ყაზბეგისა და გიორგი წერეთლის, ნინო შვილისა და ლომოურის, ნინო ნაკაშიძისა და ლეო ქიჩაძის ნაწარმოებთა გმირი ქალები. ერთ-ერთ უკანასკნელ ფილმში მან თავისი სახელი დაუკავშირა დიდი აკაკის ცხოვრების თემას და შექმნა სახე პოეტის გამზრდელი ძიძისა, რომელიც აჯაღოებს მაყურებელს თავისი თვალწარმტაცი მშვენიებით, სათნოებით, არაჩვეულებრივი გონიერებით.

თავისი შემოქმედების ადრინდელ ეტაპზე ნატო ვაჩნაძემ უბადლო ოსტატობით დაღვივებდა ფეოდალური და კაპიტალისტური წყობილების პირობებში დაჩაგრული, დამცირებული, უმწეო ახალგაზრდა ქალები, რომლებიც ტრალიკულად ამთავრებენ თავიანთ სიცოცხლეს, გარემოცულნი ადამიანთა სისასტიკითა და სიბნელით. ნატო ვაჩნაძემ მაღალ პოეტური ფერადებით ასახა ხალხის სიღრმიდან გამოსულ ახალგაზრდა ქალთა მწარე ხვედრი და გაუხარელი ცხოვრება. ვისაც ერთხელ უნახავს, მისთვის დაუფიქვარია ტანჯული ნუნუს სახე ყაზბეგის „მამის მკვლელიდან“, ისევე როგორც მოკრძალებული ესმასი გიორგი წერეთლის „პირველი ნაბიჯიდან“. ასევე წარუშლელია ხალხის ხსოვნაში ნატო ვაჩნაძის მიერ განსახიერებული დესპინე — ნინო შვილის „ჩვენი ქვეყნის რაინდიდან“ და ფატი ნინო ნაკაშიძის „ვინ არის დამნაშავედან“.

მაგრამ ნატო ვაჩნაძე მარტო ბედისაგან ჩაგრულ ქალებს როდი გვიჩვენებდა ეკრანზე. მან არა ნაკლები სიძლიერით დაგვანახა სოციალურ უსამართლობასთან მებრძოლი, თავიანთი ადამიანური გრძნობებისა და ღირსების დამცველი ქალები — ნათელასა და გიულის სახეებიც.

თავისი შემოქმედების მეორე პერიოდში ნ. ვაჩნაძემ მოგვცა მთელი რიგი სახეებისა, რომლებიც გვიჩვენებენ საბჭოთა ეპოქის ქართველ ქალთა ცხოვრებასა და ბრძოლას, მათს ფიქრსა და ოცნებას, მათ თავდადებულ შრომას ხალხის საკეთილდღეოდ. ფილმში „უკანასკნელი ჯვაროსნები“ და განსაკუთრებით „ნარინჯის ველში“ ნატო ვაჩნაძემ შესძლო წარმოსახვა საბჭოთა პირობებში აღ-



ზრდილი ქალწულების, რომლებიც თავიანთი მოქალაქეობრივი შეგნებით საესებით განსხვავდებიან რევოლუციამდელი ქალებისაგან. ნატო ვაჩნაძის მიერ „ნარინჯის ველში“ ასახული კომკავშირელი ნანი ნამდვილი ცხოვრებიდან არის აღებული, იგი ცოცხალი სახეა ჩვენი ბედნიერი ახალი თაობისა, რომელიც შრომის და იბრძვის კომუნისტისათვის.

ნატო ვაჩნაძემ დიდი ოსტატობით დაღვივებდა ქართველი ქალი სხვადასხვა ასაკსა და მდგომარეობაში: მან თანაბარი მომხიბლავობით გვიჩვენა შეყვარებული სატრფო და ერთგული მეუღლე, შვილებისათვის მზრუნველი დედა და სათნოებით აღსავსე ძიძა. მან შექმნა რომანტიკული ალსავე ტიპები რევოლუციამდელი ქართველი გლეხი ქალების, რომლებიც შრომობენ, იბრძვიან, განიცდიან სიყვარულს, სასოწარკვეთილებას, უზომო სევდას, ამავე დროს გამსჭვალულნი არიან რწმენით ადამიანისადმი, სიკეთისა და სინათლისადმი, უკეთესი მომავლისადმი ხალხის ცხოვრებაში. ასევე რომანტიკული შარავანდელით არის გარემოსილი პოეტური სახეები კოლმეურენ გოგონებისა ნ. ვაჩნაძის შესრულებით. ისინი უადრესად სიცოცხლის მოყვარულნი, ჯანსაღი და მიმზიდველნი არიან.

ნატო ვაჩნაძემ შექმნა მილიონობით მაყურებელთათვის საყვარელი, დაუფიქარი, თავისი მშვენიებით კლასიკური სახე ქართველი ქალისა. მისი უბადლო ეჭვი, ელვარე სილამაზე, მომაჯადოებელი ღიმილი, მისი თვლების შუქმოსილი ბრწყინვა მარად წარუშლელია ხალხის გულში.

ნატო ვაჩნაძე სამაგალითო იყო, როგორც მსახიობი, როგორც ადამიანი და მოქალაქე. მისი აქტიორული გამარჯვებების ერთ-ერთ საწინდარს წარმოადგენდა საოცარი შრომისმოყვარეობა და პროფესიული კეთილსინდისიერება, რომლითაც იგი ეკიდებოდა თავისი როლების შესრულების საქმეს. როგორც ადამიანს, ნატო ვაჩნაძეს განვლილი ჰქონდა ცხოვრების მკაცრი სკოლა, როგორც მსახიობი იგი ყოველდღიურად მიმართავდა ცოცხალ სინამდვილეს. ხალხში, სოციალისტურ გარემოში სწავლობდა იგი ცხოვრების სიბრძნეს, ამ სინამდვილეში პოულობდა იგი წყაროს თავისი ნათელი და მაღალი შემოქმედებისათვის.

თავისი ცხოვრების უკანასკნელ წლებში მან დასწერა საინტერესო წიგნი, სადაც აღწერა თავისი ცხოვრების ამბავი და შეხვედრები ჩვენი ეპოქის გამოჩენილ მოღვაწეებთან. ეს მოგონებები წარმოადგენენ ნიჭიერი, ჭკვიანი, ცხოვრებაში ჩაკვირებული შემოქმედის აღსარებას, მისი გრძნობების, განცდებისა და ფიქრების გადმოშლას, მისი სხივოსილი აქტიორული ცხოვრების ისტორიას. გულწრფელობა, თავმდაბლობა, დიდი პასუხისმგებლობა საყვარელი ხელოვნების, სამშობლოს და ხალხის წინაშე გამოსტევივის ამ წიგნიდან.

სამშობლომ ღირსეულად დააფასა თავისი საყვარელი მსახიობის ღვაწლი. პარტიამ, საბჭოთა მთავრობამ, მთელმა ხალხმა დიდი ზეიმით აღნიშნეს ნატო ვაჩნაძის აქტიორული და საზოგადოებრივი მუშაობის ოცდახუთი წლის იუბილე. მაგრამ შესანიშნავი შემოქმედი ქალი არ შეჩერებულა უკვე მიღწეულზე. იგი კვლავ განაგრძობდა მუშაობას, იგი ოცნებობდა ახალი სახეების შექმნაზე. ჩვენი დიდი ეპოქის გმირთა სულიერი ცხოვრების მხატვრულ წარმოქმნაზე.

დღე შემოქმედებით მუშაობასთან ერთად ნატო ვაჩნაძე ეწეოდა აქტიურ საზოგადოებრივ მოღვაწეობას.

როგორც ადამიანი, იგი დაჯილდოებული იყო მტკიცე ნებისყოფით, ვაჟკაციური გამბედაობით, არაჩვეულებრივი მიზანსწრაფვით, საზოგადოებრივი ალღოთი, დიდი მოქალაქეობრივი პასუხისმგებლობის გრძნობით. განუზომელი იყო მისი სიყვარული მშობლიური ქვეყნისა და ხალხისადმი, სამშობლომ იგი შეიყვარა ორმაგი სიყვარულით.

პოეტური რომანტიკულობით იყო აღსავსე მისი მდიდარი და მღელვარე ცხოვრება; ზღაპარივით დასრულდა მისი სიცოცხლე: იგი ოცნებასავით დაიფარგლა.



ნატო ვაჩნაძის ტურფა სახეს ვედარ შეეხო სიბერის მსახველი ხელი, — იგი დარჩა ხალხის ხსოვნაში მარად უჭკნობი სილამაზით გაბრწყინებულ, გულწარმტაცი და მომხიბლავი.

ლევან ასათიანი





ქართული  
ბიბლიოთეკა



კადრები ფილმიდან რესპუბლიკის სახალხო არტისტის ნატო ვაჩნაძის მონაწილეობით (ზემოდან ქვემოთ):

„მამის ძეგული“ (პირველი ორი კადრი, — მეორე კადრში ნ. ვაჩნაძე და ვ. სარაჯიძე);  
„სამი სიცოცხლე“ (ნ. ვაჩნაძე და მ. გელოვანი);  
„ვინ არის დამნაშავე?“, „ნათულა“, „უკანასკნელი ჯვაროსნები“, „ნარინჯის ყელი“, „სამშობლო“ (ნ. ვაჩნაძე და კ. დუშვილი);  
„ქაჯანა“, „აკაკის აკვანი“, „მწვერვალებს დამპურობნი“.

მუაში — კადრი ფილმიდან „არსენა“.







ახალგაზრდა ესპანელები ლუის ფერნანდესი და დარიო სუარესი ობილი-სის სატრიკოტაჟო კომბინატის კულტურის სახლში ასრულებენ ესპანურ ხალხურ სიმღერას

ფოტო 3. ჯაიხანოვისა

# მეორე სამუშაო

რეპუ ჩხიძე

საკავშირო კინემატოგრაფიის ინსტიტუტის დიდი დარბაზი ხალხითაა სავსე. დღეს დიპლომების დაცვის დღეა. დიპლომებს იცავენ სარეჟისორო ფაკულტეტის კურსდამთავრებულები. თოვლივით თეთრი ეკრანის წინ, წითელმამუდგადაფარებულ მაგიდას სახელმწიფო საგამოცდო კომისია შემოსხდომია. აქ არიან საბჭოთა კინოხელოვნების გამოჩენილი მოღვაწეები: მის. ჭიაურელი, გრ. ალექსანდროვი, ალ. დოვჟენკო, ლ. კულეშოვი... მარცხნივ გვერდით კათედრაზე შეთმობილი ყმაწვილი, სტუდენტი დიპლომანტი დგას. იგი მღელვარედ მოუთხრობს აუდიტორიას თავისი მუშაობის შესახებ. მკერდზე კომკავშირის ნიშანთან ერთად სამფეროვანი პატარა ალამი უზნევია. სამი ფერი — სამი ზოლი: ყვითელი, იისფერი, წითელი... ეს გამირული ესპანეთის რესპუბლიკური დროშის სიმბოლოა. ხოლო ახალგაზრდა, რომელიც მას ატარებს, იმ ესპანელ ბავშვთა რიცხვს ეკუთვნის, რომლებმაც ფრანკოს ფაშისტური ტერორის გამო, დასტოვეს თავისი სამშობლო და თავშესაფარი ჰპოვეს ჩვენს დიდ საბჭოთა ქვეყანაში. ეს იყო 15 წლის წინათ. საბჭოთა ადამიანებს ასოვთ ის დღეები, ასოვთ საბჭოთა ხომალდები, რომლებმაც ესპანელი ბავშვები ჩვენს ნაპირებს მოაყენა, ასოვთ, თუ როგორ მოაბიჯებდნენ ეს პატარა წითელბანტიანი გოგონები და შავგვრემანი ბიჭუნები მოსკოვისა და ლენინგრადის ქუჩებში და თავისი წკრიალა ბავშვური ხმით მღეროდნენ ინტერნაციონალური ლეგიონის იტალიური ბრიგადის სიმღერას — „ზანდერა როსას“.

და ახლა, როდესაც ჩვენ წინ, კათედრაზე მტკიცე იერით მდგარ ესპანელ ყმაწვილს ვუყურებთ, ყმაწვილს, რომელიც დღეს იღებს საპეციალისტის საგზურს სიცოცხლით სავსე დიდ ცხოვრებაში, გული სიამაყით და სიხარულით გვესება ადამიანს. არანაკლებ სასიამოვნო და მღელვარეა ალბათ ეს წუთები თვით კარლოს ლიანოსისთვის, ასეთია გვარი და სახელი ამ ახალგაზრდა სტუდენტ-დიპლომანტისა, რომელიც დღეიდან ემატება კინემატოგრაფიის მუშაობა რიგებს.

ეს-ეს არის, კინემატოგრაფიის ინსტიტუტის საგამოცდო დარბაზში თავმოყრილებმა ნახეს კარლოსის სადიპლომო კინონარკვევი — „მეორე სამშობლო“. როგორც სტალინური პრემიის ლაურეატმა რეჟისორმა კარმენა აღნიშნა, ეს ნამუშევარი ერთგვარად ატობიოგრაფიულ ხასიათს ატარებს. იგი მაყურებელს მოუთხრობს ესპანეთის სამოქალაქო ომის მრისხანე წლებზე, ფაშისტ კაციჭამიების მხეცობა-

ზე; მოუთხრობს იმაზე, თუ როგორი მზრუნველობით და დეობრივი სითბოთი შეეგებნენ პატარა ესპანელებს საბჭოთა ადამიანები, როგორ გამოზარდა და ცხოვრების სწორ, ნათელ გზაზე დააყენა ეს ბავშვები ჩვენმა დიდმა სოციალისტურმა სახელმწიფომ.

ძნელია უყურო ამ კინონარკვევს აუღლებ-

**პირველთარიგისანი აკრობატები (ზემოდან ქვემოთ): ლუის ფერნანდესი, მენანდოს მანუელი, დარიო სუარესი და მენა ხოაკინა.**



ლა. კარლოსი დიდ სიმართლეზე მოუთხრობს მაყურებელს ეკრანიდან და სწორედ ამიტომ დააჯილდოვა ტაშით აუდიტორიამ ახალგაზრდა ხელოვანი.

კაოლოს ლიანოსის ბედი ერთ ბედნიერ გამოჩენაკლის როლი წარმოადგენს. ასეთივე ხელოვანი ერგო ბევრ ესპანელ ახალგაზრდას ჩვენს ქვეყანაში. თვით კაოლოსის ძმა — ვირხილიო ლიანოსი, რომელმაც მოსკოვის ენერგეტიკული ინსტიტუტი დაამთავრა, ამჟამად წარმატებით მუშაობს კუიბიშევის ჰესის მშენებლობაზე. აქვე მუშაობს მისი მეუღლე, რუსი ქალი გალია. ვირხილიომ გალიასთან ერთად დაამთავრა უსაღლეუი სასწავლებელი და პირადი თხოვნით, ორივემ ერთად კუიბიშევის ჰესის მშენებლობაზე გასწია. ვირხილიომ და გალია ხელმძღვანელობენ კუიბიშევის ჰესის მშენებლობის ერთ-ერთ უბანს და მუშათა და ტექნიკოსთა საყოველთაო სიყვარულით სარგებლობენ.

რომ მოგასმენიათ, როგორ მღერიან მოსკოვის სამედიცინო ინსტიტუტის სტუდენტები დღეი ეღენა და პილარ ვარსია, როგორ მღერიან ახალგაზრდა მხატვრები რობერტო მარკანო და ფელიქს ბაკერისა, თქვენ იტყვით: „ასე მღერა შეუძლიათ მხოლოდ იმ ადამიანებს, რომლებიც მკერდით მშობლიურ ჰაერს სუნთქავენ!“ ისინი მღერიან და ამ სიმღერაში შეჭველად იგრძნობთ ერთგვარ დარღს დატოვებულ სამშობლოზე, იგრძნობთ განუსაზღვრელ სიყვარულს სიერა ნევადასა და კატალონიის მთებზე, ლურჯ, უღრუბლო ესპანეთის ცაზე, იგრძნობთ ვაჟკაცურ, უცრემლო გლოვას ფაშიზმთან ბრძოლაში დაღუპულ მებრძოლებზე... მაგრამ ეს ის განწყობილებაა, რომელიც ადამიანს მხოლოდ წუთით მიიკავს. აგერ ესპანელი ყმაწვილები სტუდენტ მგზნებარე, სიცოცხლით სავსე „რკინის კოლონებს“, მხიარულ „კაფეს“, ლირიულ „პალომას“ („მტრედი“).

ჩვენ ესპანელებს განსაკუთრებით გვიყვარს და ახლოს ვგრძნობთ ქართულ სიმღერებს, ქართულ მოძრაობათა რიტმს — ამბობენ ესპანელი ახალგაზრდები.

ჩვენ ძლიერ გვიყვარს თბილისის „დინამოს“ ტემპერამენტისანი გუნდის თამაშის ყურება — ურთავს საუბარში არხალდო იბანესი, რომელიც საერთოდ ძლიერ გატაცებულია სპორტით. — ამჟამად — განაგრძობს არხალდო — ფეხბურთის მოყვარული ესპანელები ორ ბანაკად არიან გაყოფილი. პირველი ბანაკი მხარს უჭერს თბილისის „დინამოს“, მეორე კი მოსკოვის „ტორპედოს“. ეს გასაგებიცაა — „ტორპედოს“ გუნდის კაპიტანი და მისი საიმედო მცველია ჩვენი თანამემამულე ავგუსტინ გომესი!



საბჭოთა ფეხბურთის ერთ-ერთი საუკეთესო წარმომადგენელი — გომესის სახელი, ფართოდ არის ცნობილი მთელს ქვეყანაში. გომესიც ხომ ისევე ეწვია ჩვენს ქვეყანას, როგორც კარლოსი, როგორც ფელიქსი, როგორც არნალო... ახლა გომესი ინიჟინერია, იგი მუშაობს სტალინის სახელობის ავტოქარხანაში და თან თავის სპორტულ ნიჭს ბრწყინვალედ ავლენს ჩვენი ქვეყნის საფეხბურთო მოედნებზე.

უზადო ნიჭს, მაგრამ სრულიად სხვა სფეროში ავლენს ახალგაზრდა მხატვარი მულტიპლიკატორი რობერტო მარკანი. ის სულ ათი წლის იქნებოდა, როდესაც სამშობლო დასტოვა. მან დამთავრა მოსკოვის კინემატოგრაფიის ინსტიტუტის სამხატვრო ფაკულტეტი და ახლა თბილისის ლენინის ორდენის კინოსტუდიაში მუშაობს მხატვარ-მულტიპლიკატორად. რობერტო ხანდახან ესპანეთიდან იღებს დედის წერილებს.

რობერტოს ასოვს და უყვარს თავისი დედა. თბილისში მისი საწოლის თავზე თქვენ ნახავთ ზეთის საღებავებით შესრულებულ ქალის პორტრეტს. ეს რობერტოს დაუხატავს თავისი დედა, ისე, როგორაც იგი მისმა ბავშვებმა მეხსიერებამ დღემდე შემონახა...

ესპანელმა ახალგაზრდობამ მთელი სულითა და გულით შეიყვარა ჩვენი საბჭოთა სამშობლო. დიდი სამამულო ომის მრისხანე დღეებში ბევრმა მათგანმა საქმით დაამტკიცა ეს უმწიკვლო სიყვარული. სტალინგრადისათვის სასტიკ ბრძოლებში გმირული სიკვდილით დაეცა დოლორეს იბარურის ვაჟი. მარად ცოცხალი ყვავილები ამკობს ამ ესპანელი ვაჟკაცის საფლავს.

ესპანელი ახალგაზრდების საინტერესო ცხოვრება ჩვენი ქვეყნის ყველა კუთხეებში — მოსკოვში თუ ლენინგრადში, კიევიში თუ თბილისში, მოწმობს, რომ მათ საბჭოეთის მზის ქვეშ ჰპოვეს ბედნიერი და სიცოცხლით სავსე ცხოვრება. აგერ პატარა გოგონა კარმენი, იგი მოსკოვში დაიბადა, ახლა უკვე ოთხი წლისაა. მამამისი ფელიქს ბაკერისა თერთმეტი წლის იყო, როდესაც საბჭოთა ქვეყანაში ჩამოიყვანეს. ხოლო დედა ათი წლისა. მამა ახლა მხატვარი დეკორატორია, დედა ავრონომი. მათ აქ, ჩვენს ქვეყანაში გაიცივნეს ერთმანეთი. მათმა ოთხი წლის გოგონამ კარმენმა არ იცის, თუ რას ნიშნავს ფრანკოს სისხლიანი რეჟიმი, არ იცნობს ფრანკოს სამოქალაქო გვარდიელთა მხედურ სახეებს, მაგრამ როდესაც პატარა კარმენჩას (ასე ეძახიან კარმენს მოფერებით ესპანელები) ეკითხებიან, თუ ვინ არის ყველაზე საძაგელი, ყველაზე ცუდი კაცი ქვეყანაზე, იგი პასუხობს: ფრანკო!

კარმენჩა ოდესმე ჩაიტანს სიმღერებს თავის მშობლიურ განთავისუფლებულ ბასკონიაში და შეასწავლის თავის თანამემამულეებს ჩვენი საბჭოთა ხალხის სიმღერებსაც. შეასწავლის: „კატიუშას“, „სულიკოს“ და კიდევ სხვა სიმღერებს; კარმენჩა მათ მიუტანს ქართულ ცეკვას, რომელსაც იგი ახლა ბავშვური სინაზითა და მშვენიერებით ცეკვავს, კარმენჩა მათ მიუტანს ხალხთა დიდი ძმობის პოეზიას! ყოველივე ეს მან აქ საბჭოთა ქვეყანაში ისწავლა.

ვის არ მოუხმენია თბილისის რადიოგადამცემებში ორი ჭაბუკისათვის, რომლებიც, ერთად შეხმა-

თბილისის სატრიკოტაჟო კომბინატის სტახანოველი მუშა — ესპანელი დარია სუარესი ნაყოფიერი შრომის შემდეგ ბედნიერად ისვენებს თავის ოჯახში. დარიოს ქართველი ქალი — ევგენია ინაშვილი ჰყავს ცოლად. მათი ოჯახის სიხარულია პატარა ტერეზა.



ფოტოზე: დარიოს ესპანელი მეგობარი ეთამაშება პატარა ტერეზას.

ტკბილებულნი, მშვენიერი ხმით მღერიან ესპანურ მელოდებს. ესენი არიან ლუის ფერნანდესი და დარია სუარესი. ლუისი და დარია ასტურიის მემლაროელთა შვილებია. ლუისის დღესაც ასოვს მემლაროელთა ტრადიციის თანახმად სამუშაოზე მიმავალი მამა ყოველ დილით კოცნით რომ ეთხოვებოდა დედას. ერთ დილას, როდესაც ყურს უსიამოვნო გუგუნე აყრუებდა, დედა ისევ გადაეხვია მამას გამოსათხოვებლად. ამ დილას მამას მკაცრი და მტკიცე სახე ჰქონდა, დედის თვალებში კი ცრემლი კრთოდა. ამის შემდეგ ლუისის მამა აღარ უნახავს...

1937 წელს ლუისი და დარია, როგორც სხვა მათი პატარა თანამემამულეები საბჭოთა მთავრობის მზრუნველობის შედეგად გადარჩნენ ფაშისტური ავიაციის ბარბაროსულ თავდასხმებს. აქ, საქართველოს მიწაწყალზე ჰპოვეს ლუის ფერნანდესმა და დარია სუარესმა მეორე სამშობლო. საქართველოც ხომ

ისევე დასერილი მთებით, როგორც მათი სამშობლო ესპანეთი, საქართველოშიც ხომ ისეთივე ხმაურით მოგუგუნებენ მთის მდინარეები, როგორც ესპანეთში. საქართველოშიც მშობლიური ალერსით და ყურადღებით უღიმიან მათ ჩვენი საბჭოთა ადამიანები!

ახლა ლუისი და დარია თბილისის სატრიკოტაჟო კომბინატში მუშაობენ, ბეჯითად სწავლობენ და ყოველდღიურად იმაღლებენ თავიანთ ცოდნას. ლუისი ამასთანავე იჩენს უზადლო მხატვრულ ნიჭს. მას მტკიცედ აქვს გადაწყვეტილი, რომ თბილისის სამხატვრო აკადემიის სტუდენტი გახდეს. ეს ასეც იქნება! ჩვენს ქვეყანაში ოცნება და სინამდვილე ერთი-მეორისაგან განუსყრელია ესპანელი ახალგაზრდებისთვისაც. ესპანელი ხალხი არასოდეს არ დაივიწყებს იმას, რომ მათმა შვილებმა გაჭირვების ქაშის მშობლიური კერა და თავისი მეორე სამშობლო აქ, საბჭოთა ქვეყანაში ჰპოვეს.



თბილისის სატრიკოტაჟო კომბინატში მომუშავე სტახანოველი დარია სუარესი სისტემატურად გადაჭარბებით ასრულებს გეგმას.



თბილისში დაბადებული და აღზრდილი ესპანელი ბავშვები ათვალთვრებენ საინტერესო წიგნს.







მოსკოვში ჩატარდა ევროპის VIII ჩემპიონატი კალათბურთში ვაკეთა გუნდებისათვის. უძლიერესთა შეხვედრაში საბჭოთა სპორტსმენებმა ცხადვეს საუკეთესო ფიზიკური და ტექნიკური მომზადება. ჩვენი ქვეყნის კალათბურთელთა ნაკრებმა გუნდმა წინასწარ და ფინალურ შეხვედრებში ყველა თამაში მოიგო და პირველი ადგილი დაიკავა. მას ხაზეიმოდ გადაეცა ოქროს მედალი.

საქართველო

# ოქროს დიდი მედალი

მ. კაკაბაძე, ბ. შორშია

თვითმფრინავის გაფრენამდე წუთებიდა იყო დარჩენილი. აეროპორტის ვრცელ დარბაზში ჩვეულებრივი ფუსფუსი სუფევდა — მზიდავები გასასვლელისაკენ მძიმე ჩემოდნებს მიაჩვენებინებდნენ, მათ აჩქარებული ნაბიჯებით ფეხდაფეხ მისდევდნენ მგზავრები. ერთი ჯგუფი ცნობისმოყვარეობით ათვალთვრებდა საპაე-რო მარშრუტების უზარმაზარ რუკას; მეორენი — ბუფეტთან მიმდგარიყვნენ და სახელდახელოდ შეექცეოდნენ საუზმეს, თან გულის გასამხნეებლად მალი-მალ გადაპკრავდნენ ხოლმე არაყს...

— ვენაში მიმავალი თვითმფრინავის მგზავრებო, მოემზადეთ! — მკაფიოდ გაისმა რეპროდუქტორში.

და აი, დარბაზის ერთ კუთხეში წამოიშალნენ ატლეტური მოყვანილობის ბრგე ვაკეკაცები, ბუმბულივით აიტაცეს თავიანთი ჩემოდნები და დინჯი ნაბიჯით გასასვლელისაკენ გაემართნენ. გამცილებელთა დიდი ჯგუფი უკან გამოჰყვა მათ.

— მოჭიდავეები, ჩვენი მოჭიდავეები!  
 უმალ გაიფანტა რუკის წინ მდგარი ჯგუფი, ბუფეტც წამსვე დაცარიელდა, გრძელი სკამებიდანაც წამოიშალნენ და სპორტსმენებს გარს შემოეხვივნენ. გაისმოდა კეთილი სურვილები, მისალმებანი, აღტაცებული შეძახილები.

თვითმფრინავი მიწას მოსწყდა. თვითმფრინავის ქვეშ ცხვრის ფარასავით გაშლილმა თეთრმა ღრუბელმა შორს წარიტაცა ქართველი ფალავნის გივი კარტოზიას ფიქრები.

— რა იყო, გივი, რას ჩაფიქრებულხარ? — შეხვმიანა კარტოზიას კოლია ბელოვი, მისი მუღმივი სპორტული მეტოქე.

გივიმ მეგობრულად გაუღიმა მას.

რბილ სავარძელში გოლიათი იოჰანეს კოტკასი ჭადრაკს ეთამაშებოდა არტემ ტერიანს. არტემი გულიანად იცინოდა, როცა მისი ესტონელი მეგობარი ვეება თითებით ჯიბის ჭადრაკის მინიატურულ ფიგურებს სვრელში გაჭირვებითა და უახირით ათავსებდა. დინჯი ბორის გურევიჩი აუჩქარებლად ფურცლავდა ჟურნალის ახალ ნომერს, ხოლო გუნდის მწვრთნელები — ვახტანგ კუხიანიძე და ალექსანდრე სენატოროვი შეუჩერებლად ბჭობდნენ და უბის წიგნაკებში ინიშნავდნენ წამდაუწუმ რაღაცას.

... ვენაში მატარებელში გადასხდნენ საბჭოთა მოჭიდავეები — ნეპოლისაკენ ჰქონდათ გზა, იქ, სადაც მსოფლიოს უძლიერესთა ასპარეზობა იყო დანიშნული.

ის-ის იყო ირიკრავა, იტალიის საზღვარი რომ გადასერეს. მატარებელი რომელიდაც პატარა სადგურზე გაჩერდა.

— უდინო! — ხმამალა დაიძახა გამყოლმა. სპორტსმენები ფანჯრებს მიადგნენ: ბაქანზე თითქმის არავინ იყო — მხოლოდ რამდენიმე პოლიციელი სცემდა ბოლთას მედიდურად. ვინ იცის, საიდან გაიგეს სადგურის მუშებმა, მზეთაგებმა და მვისრებებმა, რომ მატარებელში საბჭოთა ადამიანები იყვნენ. ისინი პოლიციელებისაგან მალულად ესალმებოდნენ ჩვენებს, ხელს უქნევდნენ და, როცა მატარებელი დაიძრა, საბჭოთა მოჭიდავეები გაცილა მათმა ძახილმა „ფორტო რუსია!“ („წინ რუსეთო!“). „ავგურა!“ (ეს კეთილი სურვილია).

ასე იყო ყველგან, მთელ გზაზე, თვით ნეპოლისაკე: უბრალო ადამიანების ღიმილი, მათი მეგობრულად გამოწვდილი ხელები, გამარჯვების სურვილები.


ვეება სპორტული დარბაზი „გიმნაზიუმ-პალესტრა“ ისე იყო გაჭედლილი მაყურებლებით — ნემსიც არ ჩავარდებოდა, ორ ხალიჩას მრავალი ათასი წყვილი თვალი მისჩერებოდა და განა მართო მისჩერებოდა? ტემპერამენტიანი იტალიელები მოურიდებლად ხმაურობდნენ, სტვენდნენ, ხმამალა კამათობდნენ.



ფოტოზე: მსოფლიოს ჩემპიონი გ. კარტოზია შეილთან ერთად თბილისის რკინიგზის სადგურის ბაქანზე.



ფოტოზე — მარცხნივ: ევროპის ჩემპიონი კალათბურთში, საბჭოთა კავშირის ვაჟთა ნაკრები გუნდი მოსკოვის „დინამოს“ ცენტრალურ სტადიონზე. ქვემოთ: — თამაშის მომენტი. საბჭოთა კავშირის კალათბურთელთა ვაჟთა ნაკრები გუნდის ერთ-ერთ უძლიერეს მოთამაშეს, გუნდის კაპიტანს ოთარ ქორჭიას ორი ჩიხი მოთამაშე დარაჯობს ერთდროულად.



იტალიური ბურჟუაზიული პრესა ძალიან ძუნწად ავასებდა საბჭოთა მოჭიდვეების შესაძლებლობებს, სკეპტიკურად იყო განწყობილი; პირველობას შევდებდა და თურქებს, ან იტალიელებს უწინასწარმეტყველებდა. მაგრამ ხალიჩაზე გამართულმა ასპარეზობამ გააქარწყლა მათი პროგნოზები.

... გივი ხალიჩის კუთხეში იდგა და წყნარად ელოდა თავის პირველ მოწინააღმდეგეს — უნგრელ ნემეტს. კარტოზია კარგად იცნობდა თავის ძლიერ და საშუაშ მეთოქეს: ორი წლის წინ უნგრეთში, ქალაქ ტატაბანიაში შეხვდა მას და აჯობა კიდევ.

შერკინება მძაფრი და საინტერესო გამოდგა. ამჯერადაც აჯობა გივიმ მსოფლიო ჩემპიონატის ვერცხლის მედალოსანს და პირველი გამარჯვება ჩაიწერა.

მეორე შეხვედრა გივის საარელ მოჭიდავე მასსთან ჰქონდა. როგორც კი შეებნენ ერთმანეთს, ქართველმა ფალავანმა მძლავრად აიტაცა ნეტოქე და ჰაერში ფეხებით რკალი შემოახიზინა. საარელმა ხალიჩიდან გაქცევით უშველა თავს. მეორედაც შეეცადა ამ „ფანდის“ გამოყენებას, მაგრამ არ დასცალდა — კარტოზიამ ხალიჩაზე დაბეჭდა მისი ბეჭები.

კურიოზული გამოდგა კარტოზიას შეხვედრა თურქ ისმეტთან. მსაჯებს უკვე კარგა ხანია ჰქონდათ აღნიშნული ისმეტის სუფთა დამარცხება, მაგრამ თურქი მოჭიდავე არ ეშვებოდა გივის, — ყვინჩილასავით ეძიძგილავებოდა გამარჯვებულს. რის ვი-ვაგლახით მოაცილეს კარტოზიას აბუზარი მეთოქე.


ვაჟკაცური, თამაში, თავაზიანი და ლაზათიანი ჭიდაობისათვის ყველაზე შეივარა გივი კარტოზია. გამოჩნდებოდა თუ არა მოხდენილი ქართველი ხალიჩასთან, „გინზაზუმი-პალესტრა“ ტაშისა და შეძახილებისაგან ჰქუხდა.

...შვიდ წუთში ბეჭებზე გაშხლართა რუმინელი ონიუ და აი, უკანასკნელად დარჩა სახელგანთქმული შვედი მოჭიდავე გრიონბერგი. ამ შეხვედრას ყველა მოუთმენლად ელოდა. ეს იყო გადამწყვეტი ასპარეზობა. ხალიჩაზე გამოვიდნენ — საბჭოთა კავშირის ჩემპიონი, 24 წლის ჰაბუკი გივი კარტოზია და ორგზის მსოფლიო ჩემპიონი, ის, ვისაც 1947 წლის შემდეგ არც ერთი დამარცხება არ განუცდია — გრიონბერგი.

ეს იყო ღირსეულთა ორთაბრძოლა, 1953 წლის კლასიკურ ჭიდაობაში მსოფლიო ჩემპიონატის საუკეთესო წყვილი. პირველი 6 წუთი უშედეგოდ დამთავრდა. წილი ჰყარეს და, ჩოქბუკენში პირველად შვედი დადგა. საბჭოთა მოჭიდავის ყოველ ფანდს გრიონბერგი მოხერხებულად აბათილებდა, მაგრამ იძალა კარტოზიამ, ფოლადის მარწუხებივით შემოაჭდო მკლავები მეთოქეს, ძალუმად გადაზნიქა და „ხილზე“ გადაიყვანა. მსაჯებმა ბარათებში წამსვე დადებითი ქულები ჩაუწერეს კარტოზიას.

აგებდა შვედი. აგებდა და გაგულსებული ღონივრად აწვებოდა კარტოზიას. არც გივი აკლებდა, და ხალიჩაზე გამართული იყო თავგამეტებული ჭიდილი. გათავდა დრო. არბიტრმა კარტოზიას მძლე მარჯვენა აღმართა.

...შეჯიბრების დამთავრების შემდეგ მსოფლიოს ჩემპიონს გ. კარტოზიას საზეიმო ვითარებაში გადაეცა ოქროს დიდი მედალი.



## გაგის კვადზე

ზუგდიდის იპოდრომზე ხშირად ნახავთ თეთრ ჩოხებში გამოწყობილ ორ ახალგაზრდას, ისინი ცხენოსანთა მომავალი შეჯიბრებისათვის ემზადებიან.

აი მათ შეჰკვივლეს ცხენებს და ეღვის სისწრაფით მოსწყდა ადგილს ორი ტაიპი. ძმები ერთმანეთს ეჯიბრებიან, თავდავიწყებით მიაქანებენ ცხენებს. ხანდახან გეშინია, არ გადმოვარდნენ; მაგრამ ისინი ხომ ბავშვობიდანვე არიან შეჩვეული ცხენოსნობას. ეს ახალგაზრდა ცხენოსნები ნოღარ და ოთარ ხაინდრავები არიან.

მათ არა ერთხელ მიუღიათ მონაწილეობა როგორც რაიონულ, ისე რეპუბლიკურ შეჯიბრებებში. შარშან ნოღარმა გაუსწრო გამოცდილ ცხენოსნებს და მრავალკილომეტრიან დოღში პირველი ადგილი დაიკავა.

არც ოთარი ჩამორჩება ძმას. ცხენოსნობა ბავშვებს მამამ შეაყვარა — ალექსანდრე ხაინდრავემ. თავის დროზე ალექსანდრე სახელგანთქმული

ცხენოსანი იყო. მას კარგად იცნობდნენ ჩვენი რესპუბლიკის გარეთაც, იგი ხშირად მონაწილეობდა მოსკოვის, ბაქოს, როსტოვისა და პიტიგორსკის იპოდრომზე გამართულ ცხენოსანთა შეჯიბრებაში და უმრავლეს შემთხვევაში გამარჯვებული გამოდიოდა. ასეული ჯილდო ჰქონდა ალექსანდრეს მიღებული. სამამულო ომში მიღებული ჭრილობის შემდეგ იგი, როგორც ყოველი, მწყობრიდან გამოვიდა, მაგრამ თავის საყვარელ სპორტს მაინც არ დაშორდა და კოლმეურნე ახალგაზრდობის სპორტულ წვრთნას შეუღდა.

ერთ დღეს გამოჩინილ მხედარს ცხენი გაეჭვა, ცალი ხელით ცხენის შეჩერება ვერ შესძლო და დაიღუპა.

შვილებს ახსოვთ მამის მხედრობა, მისი ოსტატობა საცხენოსნო სპორტში. ისინი ოცნებობენ იყვნენ მამის ღირსეული მემკვიდრეები, გახდნენ მამასავით სახელგანთქმული ცხენოსნები.

ფოტოზე ზემოთ: ძმები ხაინდრავები ვარჯიშობაზე. ქვემოთ: ძმები ნოღარა (მარცხნივ) და ოთარი ხაინდრავები.





1642 წელს გამოიკვია, რომ ავსტრალია არ ვრცელდება სამხრეთ პოლარულ წრემდე. წამოიჭრა კითხვა: არსებობს თუ არა ჩველეთი ავსტრალიის კონტინენტის სამხრეთით? ინტერესი დიდი იყო, მაგრამ მისი დაკმაყოფილება არ იძლეოდა არავითარ ეკონომიურ სარგებლობას, რის გამოც სამხრეთ პოლარულ ზღვებზე დიდი ხნის განმავლობაში არავინ გამოჩენილა, თუ მხედველობაში არ მივიღებთ ვეშაპებზე მონადირეებს. 1772 წელს ინგლისელმა კუკმა, პირველმა გადალახა სამხრეთი პოლარული წრე, მაგრამ ანტარქტიკის არსებობის შესახებ მხოლოდ რუსებს ზედთა წილად ეთქვათ პირველი სიტყვა 1821 წელს.

სამხრეთ პოლარული ზღვების შესასწავლად 1819—1821 წ. წ. მოწყობილ ექსპედიციას ხელმძღვანელობდა ცნობილი რუსი მოგზაური თ. თ. ბელინგსაჟუხენი ლახარვეთან ერთად. ექსპედიციამ და მისმა ხელმძღვანელებმა დასაბუთებელი დავალი გასწიეს კაცობრიობის წინაშე — აღმოაჩინეს მემკვიდრე უკანასკნელი კონტინენტი — ანტარქტიკა.

ანტარქტიკის პერიფერიებზე ეს ექსპედიცია მანამდე უცნობ მრავალ ზღვასა და კუნძულს წააწყდა. მათ შორის აღსანიშნავია ბელინგსაჟუხენის ზღვა, პეტრე პირველის კუნძული, ანენკოვის, ბოროდინისა და სხვა კუნძულები.

ბელინგსაჟუხენის ექსპედიციის შემდეგ ზედიზედ აწყობენ ექსპედიციებს ბურჟუაზიული ქვეყნები. სხვისი მიწების მითვისების ოსტატობით ცნობილმა სახელმწიფომ, ინგლისმა პირველმა გამოაცხადა როსის ზღვის სანაპირო ბრიტანეთის სამფლობელოდ, ხოლო

1939 წელს ამერიკის შერტეტულმა შტატებმა მოაწყო სპეციალური ექსპედიცია ანტარქტიკაზე თავისი უფლებების გასამტკიცებლად.

ანტარქტიკა სამხრეთი პოლუსის მიდამოებში მდებარეობს. ის მარადიული ყინულის დიდი სისქით დაფარული კონტინენტი, რომლის ფართობი 14 მილიონ კვადრატულ კილომეტრს აღემატება. მისი ტერიტორია მალა აზიის მთაგორიანი რელიეფით ხასიათდება. ანტარქტიკა სიცივის, მყუდროების, ყინულებისა და უსიცოცხლოების წარმოდგენასთანა დაკავშირებული, მაგრამ მისი მისაკუთრების რეალური ინტერესი მეტად დიდია. ა. შ. შ-ს ერთ-ერთი უფროსი არ გამოიკვან შესაძლებლობას, რომ ანტარქტიკა შეიძლება წარმოგვიდგეს ძვირფას საუნჯეთა გიგანტურ სალაროდ.

გამიდრების მანით შეპყრობილ ამერიკელთა ფანტაზიის სფეროებში უდევს ის გარემოება, რომ ანტარქტიკის ყინულის საფარქვეშ მართლაც ნაპოვია ოქრო, ვერცხლი, ტყვია, რკინა და ქვანახშირი; შესაძლებელია ურანის საბადოებიც. გარდა ამისა, ანტარქტიკის განაპირა ზღვები მდიდარია ზღვის ცხოველებით. ანტარქტიკაზე გადავლით მნიშვნელოვნად მცირდება საჰაერო ზღა სამხრეთ ნახევარსფეროს კონტინენტებს შორის. ანტარქტიკის ჰავაზე დაკვირვება დიდად შეუწყობს ხელს დედამიწის კლიმატურ თავისებურებათა შესწავლას. ანტარქტიკის ესოდენ დიდი ეკონომიური მნიშვნელობა ცხადია არ ასვენებს კოლონიზატორებს.

ლ. ჩიქვანიძე

შურნალ „დროშის“ № 6-ში მოთავსებული კროსვორდის

პ ა ს უ ხ ი


პორიზონტალურად:

- 9. ანტოკოლსკი. 10. აივანოვსკი. 11. ტირადა. 12. ალუმინი. 13. ვანხრა. 14. ოფიცერი. 15. ესტრადი. 17. ორკესტრი. 20. გლიუტინი. 22. მაგნატი. 23. პარალელი. 24. დიაგრამა. 28. ინერცია. 31. ჰიპოთეზა. 32. ინიციალი. 35. კოკე-ტი. 36. კომისია. 38. ელევია. 39. აქსიომა. 40. მაკეტი. 41. იმპრესარიო. 42. ასპირატორი.

ვერტიკალურად:

- 1. ანტიქვარი. 2. ბოკაჩო. 3. ვოკალისტი. 4. ოკულარი. 5. ლიანოსი. 6. იზოგრაფია. 7. ავანგი. 8. აკორდეონი. 16. „ნინა“. 18. ემბარგო. 19. იმპერია. 20. გიმარაი. 21. ტერმინი. 25. არქი. 26. სირაქლემა. 27. რეზონანსი. 29. სიასამური. 30. ელევატორი. 33. ატაქსია. 34. კოსმოსი. 35. კავორი. 37. ასკეტი.

გარეკანის პირველ გვერდზე: ჩაის ბუჩქის სახსლავი მანქანა ლითონის საბჭოთა მეურნეობის პლანტაციებზე.  
ფერადი ფოტო მ. მიხაილოვისა.  
მეოთხე გვერდზე: თბილისის ზოოპარკში.  
ფერადი ფოტო გ. რაშაძისა.  
ჩანართ გვერდებზე: საქართველოს სსრ ხელოვნების მუზეუმში დაცული რუსული კლასიკური მხატვრობის ექსპონატები.



პორიზონტალურად:

- 4. ტბა ირანში. 6. სოფელი საქართველოში. 8. პირუტყვის საკვები ბალახი. 9. დაწინებილი ფეხვიერი მასალა. 11. ქალაქი კამჩატკის ნახევარკუნძულზე. 13. ფინეთის რესპუბლიკის პრეზიდენტი. 18. წყალგაუმტარი მუყაო, გაყენითი ასფალტით (იხმარება სახლის გადასახურავად). 19. იაპონური ფული ერთეული. 20. ერთნაირი წნევის ადგილის აღმართებილი ხაზი გეოგრაფიულ რუკაზე. 22. ორმარცვლიანი მუსლი ლექსთაწყობაში. 23. კურორტი ყირიმის ნახევარკუნძულზე. 24. მცენარე, რომლის თესლისაგან ამზადებენ სასიამოვნო სუნის ზეთს. 26. ცხენსაჭერი მარყუჟიანი თოკი. 27. მდინარე ამოსავლეთ საქართველოში. 28. ფუტკრის ბინა. 30. ქლიავის ჯიშა. 32. მტაცებელი ფრინველი. 34. რომინზონ კრუზოს გადამჩენელი მეკობრე. 36. ყარყატის ოჯახის ფრინველი. 40. ხელსაწყო საქარავად. 41. ალგებრული გამოსახულება. 42. მაჰადის სარწმუნოებრივი მოძღვრება. 43. ზვინი მნისა. 44. ბურთულადად გაკეთებული წამალი. 47. მოხარული სელის ზეთი. 50. ვაზის ან ყურძნის ჯიშა. 51. ბრტყელიძარა სატვირთო ნავი. 53. ჰოლანდიელ კოლონისტთა ჩამოშენებული სამხრეთ აფრიკაში. 54. მცენარე. 56. მდინარე ყაზახეთში. 57. ტროპიკული ქვეყნის შხამიანი ბუზი. 58. კანის გადამდები სნეულება. 63. ყინულის მასა, რომელიც წარმოიშობება მარადთოვლიან მთებში. 64. ქართველთა ტომი. 65. დიატონიკური გამის მერვე ტონი. 66. ძმარმკავს მარლი. 67. ზმნისართი. 72. ლითონის მავთულის გამოსაყვანი ხელსაწყო. 73. უფრო, უსუნო, ძლიერ გავრცელებული ვაზი. 74. ძველი საბერძნეთის შუა ნაწილი. 75. გაქრისტიანებული არაბი, რომელიც მერვე საუკუნის გასულს თბილისში აწამეს არაბებმა. 76. ლირიკული პოეზიის ფორმა. 77. გაღვანური ელემენტის დადებითი პოლუსი. 78. ივანე ჯავახიშვილის სამეცნიერო მოღვაწეობისადმი მიძღვნილი მეცნიერულ გამოკვლევათა კრებულის სახელწოდება. 80. ჯეკ ლონდონის რომანის გმირი.


ვერტიკალურად:

- 1. თევზის ჯიშა. 2. პოლიტიკური პარტიების შეთანხმება. 3. მუსიკალური ნაწარმოების სახე. 4. დონელ ბოგანო კაზაკთა ატამანი XVII საუკუნის 60-იან წლებში. 5. დაგალებათა გადამცემი, მაუწყებელი გემი. 6. ლაშქარი. 7. ეგვიპტელების ქალღმერთი. 9. უსახველეთ შესაყრავი სარტყელისა. 10. ნაწარმოების მთავარი აზრი. 12. მამა-პაპითგან დამკვიდრებული ჩვეულება. 13. სამხრეთ ამერიკაში გაშლილი ხშირბალახიანი ველი. 14. ხვარა დეკორაციული მცენარე. 15. მდ. ოკას მარცხენა შენაკადი. 16. მდ. პეჩორას მარცხენა შენაკადი. 17. წყლის ფრინველი. 20. გემზე მოსამსახურე ბიჭი. 21. ძლიერსუნინი, ელემტრიზებული ფანჯალი. 24. არამომცემი, არამწველი საქონელი. 25. ფუჯა-კაცთა ტომი შუა აფრიკაში. 28. ჩრდილო აღმოსავლური ცხელი ქარი. 29. ერთნაირი ვოკალური ნაწარმოები. 31. ვასილ ნეტარის ტაძრის მშენებელი ოსტატი. 33. მიწის ქერქზე დანამატი ფენა, ძველ ფენათა გადარეცვის გამო წარმოქმნილი. 34. ძალის ჯიშა. 35. უმეღლესი დროის იარაღი. 37. უცნობი სიდიდე. 38. უხილავი წყალქვეშა კლდე ზღვაში. 39. ჯარისკაცი თურქეთში. 45. შავი ხარი ტიბეტსა და მონღოლეთში. 46. მიწის ხელოვნურად მორწყვა. 47. იოანე IV მცველი რაზმ. 48. ცხენის ჯიშა. 49. პირველი ასო ბერძნულ ანბანში. 51. ახლომხედველი. 52. ერთბაში ძლიერი ვანცადა. 53. პერის ტალღისებრი რჩევითი მოძრაობა, რომელსაც აღიქვამს სმენის ორგანო. 55. თვალის ფერადი გარსის ანთება. 57. ლიონის სიმებიანი საკრავი. 59. სპორტული ტერმინი. 60. რთული სამუსიკო ინსტრუმენტი. 61. პირველი ასო ქართულ ანბანში. 62. ვუცკვის დრამის მოქმედი პირი. 68. ქიმიური ელემენტი. 69. მაღალხარისხოვანი მინა. 70. უმცირესი რამ სიდიდე. 71. ყვავილი. 75. უმარტივესი, მიკროსკოპული ცხოველი. 79. ქალაქი ურალში.

რედაქტორი — გრ. აბაშიძე | სარედაქციო კოლეგია: შ. ბუაჩიძე, შ. გვინჩიძე (პ/მგ. მდივანი), ი. გვიგინიშვილი, დ. დოლიძე, მ. სააკაშვილი, ი. ციციშვილი, ვ. კელიძე, უ. ჯაფარიძე.

ჩემდებიის მიხამართი: თბილისი, ბლენანოვის პრ. № 91. ტელ. 3-95-38 | ფასი 3 მან. | გარეკანი და ჩანართი გვერდები დაბეჭდილია ფოტოცინკოგრაფიაში ხელმოწერილია დასაბეჭდად 10/VII-53 წ. გამომც. № 91 | ნაბეჭდი ფურც. 3/4 | ტირაჟი — 15.000 | შეკვეთის № 402 | უფ. 04452





ბათუმის პორტში. ქუთაისის თვითმცლელების დატვირთვა.

ფოტო ვლ. გინზბურგისა.





სამაგისტრო ბიბლიოთეკის ფონდში შენახულია